



आनखेयादि 'बड'सा' खीरालाइयाव
अमाज्यादि जिउजो लोब्बा थावाय रायथाय, खन्थाय,
अल', अल'बाथा आरो दावबायादि थावनि, पार्क
बाइदिनि सायाव लिन्नाय लिन्निबाँ दैथाय ठर/
आनखेयादि 'बड'सा' खीरालाइया अवेरानावै
फोसावगोन।
बड'सायाव लिन्नाययि हुबा खालाम,
'बड'सा' खी नौथा, जो बयबो आंगो खालाम।
सानसेयारि बड'सा मावखुलि
माइबं नोगोर, जोहोलाव देमालु लामा
कक्राइर, बिटिसि-783370
Website: www.bodosanewspaper.com

BODOSA ★ A Bodo News Daily ★ Tuesday ★ 12 December, 2023 Kokrajhar, BTC, Assam ★ Vol.- 33, Issue No. 256 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

कुमारिकातायाव बिजेपिनि गेदेर मावफारिया जथुम

बिजेपिआ आसामनि राइजो-राजाफोरनो सिबिथाय होगसिनो दं : पियुष हाजरिका

तामुलपुर, 11 डिसेम्बर: 'थानाय 9 बोसोर 6 दान मिरुयाव नरेन्द्र मदि दैदेनायाव आरो थानाय 7 बोसोर आसामआव बिजेपि दोलोनि दैदेनायाव सरकार खुंजागासिनो दड। आसामआव गिबि मन्थि ड० शर्माआ राइज्योनि गासै जौगाखानायनि थाखाय सान-हर नाडै खामानि मावबोगासिनो दड।' -बे बिबुथिखौ आसाम सरकारनि केबिनेट मन्थि पियुष हाजरिकाया होदों। तामुलपुर जिल्ला बिजेपिनि बान्जायनायाव आरो दरङजुलि मन्डल बिजेपिनि हेफाजाबव



दिनै तामुलपुर जिल्लानि सिङव थानाय कुमारिकातायाव खुंजाय मोनसे गेदेर मावफारिया जथुमयाव बाहागो लाफैनाय मन्थि हाजरिकाया बेबायदि



लोगोसे आसामनि गासै जोडो बिजेपि दोलोआ जौगाखानायनि थाखाय गोबां आसामनि राइजो-राजाफोरनो खामानि मावगासिनो दड। (□ 5 बिलाइआव)

गिबि मन्थि ड० हिमन्त बिस्व शर्माआ गाहाय मन्थि नरेन्द्र मदिखौ दिल्लीआव लोगो हमदों

गाहाइ मन्थि नरेन्द्र मदिखौ आसाम दावबाय फैनो हांखायदों गिबि मन्थि ड० शर्माआ

गुवाहाटी, 11 डिसेम्बर: आसामनि गिबि मन्थि ड० हिमन्त बिस्व शर्माआ दिने गोदान दिल्लीयाव हादतनि गाहाइ मन्थि नरेन्द्र मदिखौ लोगो हमनाने आसाम राइज्योजों सोमोन्दो थानाय खामासे गोन्थार आयदाफोरनि सायाव सावरायदों। सावरायनायजों लोगोसे गिबि मन्थि ड० हिमन्त बिस्व शर्माआ आसाम दावबायफैनो थाखाय हादतनि गाहाइ मन्थि नरेन्द्र मदिखौ खावलायदों। गाहाइ मन्थिखौ



लोगो हमखानायनि उनाव गिबि मन्थि ड० शर्माआ फोरमायनाय बायदिब्ला आसामाव गोबांथार गोदान बिथांखिफोरखौ बेखेवने (□ 5 बिलाइआव)

टेट अशिसारनानै थिसन जानायनिफ्राय जानगाराव थानानाय बिजाथिफोरा गिबि मन्थि ड० हिमन्त बिस्व शर्मानिसिम गोसोखां बिलाइ दैथाय हरदों

तामुलपुर, 11 डिसेम्बर: तामुलपुर जिल्लानि सिङव थानाय कुमारिकातायाव दिने भारतीय जनता पार्टीनि गेदेरथार मावफारिया जथुमयाव बाहागो लाफैनाय आसाम सरकारनि दै जगायथाय मन्थि पियुष हाजरिकानि गेजेरजों आसामनाडै टेट

उथिसारनाय थिसनजानायनिफ्राय जानगाराव थानानाय बिजाथिफोरा आसामनि गिबि मन्थि ड० हिमन्त बिस्व शर्मानिसिम 7 दफा थानाय दाबिफोरजों गांसे गोसोखां बिलाइ दैथायहरो। गोसोखां बिलाइन (□ 5 बिलाइआव)

बिटिआर सरकारनि 3 बोसोर आबुं जानायनि लोब्बायै मटनगुरि बियाबआव गोग्गानाय हाबाफारि खुंदों गोजोन गैयाब्ला जौगानाया गोरलै नडः गौतम दास



मटनगुरि, 11 डिसेम्बर: जानायाव दासान्दि बिटिआरनाडै इउपिपिएल, बिजेपि आरो जिएसपिनि जुथाय बिटिआर आरो बायदि बायदि हाबाफारि सरकारआ 3 बोसोर आबुं खुंजासिनो थानायखौ नुनो (□ 5 बिलाइआव)

मोन्दों। दिने बे बिटिआरनि दाब दाब जायगाफोराव बिटिआर सरकारनि 3 बोसोर आबुं जानायखौ बिथा खालामनानै रंजानाय आरो गोग्गानायजों लोगोसे 3 बोसोराव मा-मा खामानि मावने हाखो आरो बिटिआर सरकारआ मा-मा हाबाफारिनि गेजेरजों खामानि मावगासिनो दं बेफोर गासै आयदाखौ लानानै सावरायज्जनायनाय हाबाफारिखौ (□ 5 बिलाइआव)

कलाइगावआव एमजिएनरेगानि माखासे बिथांखिफोरखौ बेखेवदों



कलाइगाव, 11 डिसेम्बर: खुंजानो गोनां फैगौ लकसभा बिसायख भिथनि सिगां समावने उदालगुरि जिल्लानि सिङव थानाय 35 नं. मुदैबारि गौथुमारि बियाबयाव इउपिपिएल दोलोआ एमजिएनरेगानि मोन 7 बिथांखिफोरनि खामानिखौ बेखेवनायाव दोलोआरि मदतगिरिफोरा गोजोनाय फोरमायदों। मख'नो गोनांदि, बावैसोयाव बियाबनि नापतिपार भिसिडिसियाव बे बिथांखिनि खामानिखौ गोथारि बेखेवजानायनि उनाव दिने कलाइगाव थाउन भिसिडिसियाव मोन 3 बिथांखिनि (□ 5 बिलाइआव)

तामुलपुर जिल्ला खुंथाइनि बान्जायनायाव भिक्सत भारत संकल्प यात्रा हाबाफारि खुंदों



तामुलपुर, 11 डिसेम्बर: जिल्लाफोराव भिक्सत भारत दुलाराय आसामनाडै सरकारनि संकल्प यात्रा हाबाफारि खुंजाय बिथोन बायदियै गुबुन गुबुन बायदियै तामुलपुर जिल्लानि 29 सा 44 बि एल टिनि 44थि मंख्लं सान फालिदों

नं सुक्लाइसेरफां बियाबनि सिङव थानाय निज बेटना भिसिडिसिआवबो बे भिक्सत संकल्प यात्रा हाबाफारिखौ खुंजाय जादों। तामुलपुर जिल्ला खुंथाइनि बान्जायनायाव खुंजाय बे हाबाफारिनि गेजेरजों मिरु सरकार आरो आसाम सरकारनि अन्साइलु आरो जौगालु बिथांखिफोरखौ मावफुंजाय आरो मोनो हाथव मुलाम्फागिरिफोरा मोन्याय-मोनै आयदाखौ लानानै गुवारै सावरायज्जनायनाय जायो। बे हाबाफारिनि गेजेरजों मिरु सरकारनि गोबांथार बिथांखिफोर जैर- जल जिवन, पिएमवाइजि, बायदि बायदि बिथांखिफोरनि सायाव सावरायनाय जायो। दिनैनि बे हाबाफारियाव गाहाइ (□ 5 बिलाइआव)

सालबारि जिल्ला बाथौ महासभानि 27 थि बोसोरारि जथुम्मानि गाहाइ खुन्थिया गायसन्दों



भबानिपुर, 11 डिसेम्बर: सालबारि महकुमा सदराव थानाय बाथौ थानसालि लांगोनायाव दिने फैगौ सालबारि जिल्ला बाथौ महासभानि 27 थि बोसोरारि जथुम्मा खुंजायनि थाखाय हाबाफारि बायदियै गाहाइ खुन्थियाखौ गायसने। (□ 5 बिलाइआव)

भबानिपुर बियाब बिथानि हारिमुवारि जांखिथायखौ एमएलए पनिधर तालुकदारआ बेखेवबाय

भबानिपुर, 11 डिसेम्बर: 'आसाम हारिमुवारि जांखिथाय हाबाफारि खुंजाय हारिमुवारि बिथिंखो मुदंखा सोजिहोनायजों लोगोसे आसामनि हारिमुवारि बिथिंखो जोबोद जौगाखां होनो नाजादों आसाम सरकारआ। आसामखौ हारिमुनि बिथिङव जौगाखां होनायजों मुलुगनि जांखिथानारि थासारि सोजिहोनायनि समायखिरा (□ 5 बिलाइआव)



हाग्रानि मैदेरनि गाग्लोबनायाव सासे सुबुंनि जिउ ख 'हा



तामुलपुर, 11 डिसेम्बर: तामुलपुराव हाग्रानि मैदेर आरो सुबुंफोरनि गेजेरव दावराव-दावसि थासारिया सोलिगासिनो दड। तामुलपुर जिल्लानि गुबुन गुबुन ओन्सोलियाव हाग्रानि मैदेरनि उतखाराव ओन्सोलिनि राइजो-राजाफोर उन्दुलाडैजों लोगोसे जिगासिनानै थानो गोनां जादों। तामुलपुरनि कुमारिकाता, खैरनि, आडरखाता, दरङमेला, खैरबारि, खाली, नारायणपुर, झाजिकना, धेकिपता, कसुकाता, सान्जा कसुकाता, खोला देपिली बायदि ओन्सोलिफोराव हाग्रानि मैदेर आबाद थिलिफोरखौ ख'हा खालामनायजों लोगोसे बारिनि गय-नारिखल, सुबुंफोरनि न'-बां बायदि सिमफायनानै गोबां ख'हा खालामनोदों। बेबायदिनो दिने फुं समाव धेकिपता झाजिकनायाव हाग्रानि मैदेरनि गाग्लोबनायाव गौतम मेधी (40) मुनि सासे सुबुंआ गोब्राबै जोखोम (□ 5 बिलाइआव)

बाक्सानि दाउधारायाव जागायजेनबाय भुटाननि कमलानि थाद 'नाय गैयै फालांगि सोनाब बंगनि कलकातासिम दैथाइ हरनाय जायो बे कमलाखौ



सालबारि, 11 डिसेम्बर: भुटाननि सिमायाव थानाय बाक्सानि जिल्लानि दाउधारायाव गायसनाय दान्दिसेनि थाखायल' बानायनाय गुदामाव भुटाननि कमलानि मोनसे गेदेर बाजारबायदि जादों। बोसोरफोरमनि बायदिनो देग्लायबो दाउधारा चकआव दान्दिसेनि थाखाय गं 15 सो कमलानि गुदाम बानायनानै देग्लाइ बोसोरनि कमलानि फालांगिया जागायजेनो। नोंथांमोनहाबो भुटाननि कमला जानो गोसो दं नामा ? जोबोद रोसि (□ 5 बिलाइआव)

खुंजाबाय थानाय बायदिनो गसाइगाव बिधान सभा बियाबआवबो साननैनि हाबाफारिजों मैयानिफ्राय खुंजाय आसाम हारिमु जांखिथाइमा 2023-2024 हाबाफारिया दिने जोबलांबाय। मैया जागायजेननाय सानखालि गसाइगाव बिधान सभा बियाबनि एमएलए जिरन वसुमातारि बिथाङ हाबाफारिखौ (□ 5 बिलाइआव)

गसाइगाव बिधान सभा बियाबनि सिङव साननैनि हाबाफारिजों खुंजायनाय आसाम हारिमुयारि जांखिथाइमा हाबाफारिया थुंगेबाय

गसाइगाव, 11 डिसेम्बर: राइज्यो सरकारनि बिथोन बायदियै आसामनि गुबुन गुबुन बिधान सभा थाखोआव आसाम हारिमु जांखिथाइमा 2023-2024 हाबाफारिया



सुजुगिरिनि खोलोम

दाव-हांसो, ना-अमा
फिसिनायनि राहा फारि

आबादयानो बर' फोरनि थांन थानायनि गिबि आरो गुदि फुंखा। आबादिन अनगा सादा-बुसा मावदामब्लाग्रा गामियारि बर' फ्रा गुबुन माबा मोनसे मुलाम्फायारि गोनां खामानि दामानि मावनाने रांखाथियारि बिथा फसंथानो आरो आबादखौनो गुबै राहा हिसाबै लायोब्लाबो गोनोखोयारि आदोबजौं आवगायनो हाद्रायारि। अब्लाबो बुनांगोन बर' फ्राबो आथिकालाव-फालांगिरि, मोजां आबादारि दैसै। फालांगिरिफोरनि बाथ्राखौं राखाडबालानो मिथिंगायारि फुंखानिफ्राय मोनाय माखासे खाबु आरो देहानि बोलो बाहायनाने मावसोमनायनि गेजेरजौं गामियारि रांखाथियारिबो गुस्तायनाय लाबोनो हासै। मुलाम्फायारि जानो राहा दैसै। बेफोरनि गेजेराव ना आरो हांसो-दाव फिसिनायबो मोनसे। गुबैयै ना आरो हांसो-दाव फिसिनायनि मोजां समानो जादौं दैज्जां बोथोर। दैज्जां बोथोर सौंफैब्लानो गामि ओन्सोलनि गोबां हाखर-हाला, गरखाय-दंगफ्रा अखानि दैजौं दानब्रै-दानबासिम आबुं लोमनाने थायो। बेफोर एरैनो गोलैसोनाने थानाय हाखर-हालाफ्राव समबाय हिसाबै एबा गावयारि हिसाबै बोथोरानो ना फिसिनो हागौं। ना-जौं लोमोसे जावजा आबाद हिसाबै हांसो फालोबो फिसिनायनि राहा खालामनो हायोब्ला रांखाथियारि फुंखाखौं एसे एनै बाहोनाने मिजिं खालामनो हागौं। दैज्जां बोथोर थि बेखनथायनि गेजेराव दोनाने हांसो फिसिनो लायोब्ला दैयाव थाल्दानाय-साम-खांखाइ, गुमा, बायदिसिना एम्फ्रो-एनलाफोरखौंनो गोजोम-गोजोम जानाने थानो मोजां मोनो हांसोया। जाउनाव गोबां आदारनि गोनांथि जाया। बिब्दिनो हाखर-हालानि फोसावसाडै हाप्रा-बंग्रा, दाखोर-दालाफ्राबो ना फिसिनायव गोबां मदत खालामो। नानि थाखाय फोसाबै हाखर, गरखायफ्राव गोबां आदार नांगौं जानाने फैया। मानो होनोब्ला बेफोरान नानि थाखाय गोबां आदार ज' जानाने थाखायो। बेखायनो बेफोरखौं सिगां नोजोर थियोनाने मोजां आरो गोगो जौलैनि ना फुवान आरो हांसो जौलै ज' गायनाने फिसिनायनि बे गोलै राहाजौं बाडाइ खरसा आरो बाडाइ समनि गेजेरावनो गरफा-गरनै खामायनयनि लामा ओंखारो। गोलै दिखुरा हांसो फिसानि थाखाय ना फिसिनाय बादिनो सोरगिदिं जेवरानि गेजेराव सम सम आरो बाइजोयावबो सम लानाने हगारलाय-थिसनलाय खालामना होनयनि राहा लायोब्ला गोखै देरनो बोलो मोनो। आथिकाल ना-बेदरनि साहिदा बानाय आरो बारायलबनाय बेसेनखौं नोजोर होनाने ना-हांसो फिसिनायजोबो रांखाथियारि बिथिडे गोखौं जानो हायैनि बाथ्रा फैया। नाथाय बेफोर आबादजौं गोबां मुलाम्फा जायैआ सैथो, नाथाय बेफोरानि थाखाय साखि-बाखि जासादि आखायनि खरसा फेनायाबो सैथो।

आथिखालाव रोजा-रोजा बेकारफोरखौं सरकारी मावफारिया थिसनाने जेनाखौं सुफुंनंगोया गोब्राव होनाने नुहरखानाय। बे बिथिडे सरकारी मावफारियाखौं नेनाने थाल्सायसाय बाडाइ सम आरो एसेल' खरसाजौं गोलै गोलै बिथांथि लानाने रां खामायनयनि राहा लानाने सरकारी अनसुंथाय मोनयनिबो सरकारी मावफारिया, बिबानगिरिफोरजौं सोमोन्दो लाखिनाया गोनांसै।

दिनैनि फान्जामुथि

राशि बाइदियै मुनि गिबि हांखो

मेघः अ ल वृषः ऊ ब (उ ए इ) मिथुनः क छ (ड घ)
कर्कटः ड ह सिंहः म ट कन्याः प ट (ण ष)
तुलाः त र वृश्चिकः ब न धनुः ध भ (ढ फ)
मकरः ख ज कुम्भः ग श (स) मीनः द च (ख ज झ)

मेघः सोरजौंबाफोर मुगै जानाय सोमजिनो हागौं। गोसो बायनो नाड।

वृषः नंखाय जाहोननि थाखाय गात्रि सन्देह खालाम जानो हागौं। जैरिथंबो सांग्रां जानाने थानाया मोजां।

मिथुनः जेखि जाया खामानियावनो अजद दैखां जानो हागौं। गोसोखौं लोरबां दाखालाम।

कर्कटः मोजां रौं थि जानो हानायनि माबाफोर बान्था मोनो हागोन। गोजोन्याय मोनगोन। मोजां सम।

सिंहः सोरजौंबाफोर मिलन जालायनाने थानो हागोन। गोजोनै सम बारहोनो हागोन।

कन्याः जेखि मावा मुलाम्फा खालामनो हागोन। फारफ्रोमबो मोजां गोजोन मोनगोन।

तुलाः बहाबाफोर दावबायहेनो मोनो हागौं। गोजोन्यायखौं मोनो हागोन। मोजां सम।

वृश्चिकः देहा-सोलेराव जोखोमफोर मोनबाय बायनो हागौं। जेथिंबो सांग्रां जानाने थानांगोन।

धनुः गावनि रौं थिनि थाखाय मान मोनो हागोन। गोजोन मोनगोन। मोजां सान।

मकरः माबाफोर गात्रि सन्देहआव गोलैबायनो हागौं। जेथिंबो सांग्राडै थानाया मोजां।

कुम्भः बेफार-फालांगि मावनायाव रांखावरि मुलाम्फा मोनो हागौं। मोजां सान।

मीनः जेखियानो जाया 12 रिगानिफ्राय मोजां सम नड। माबाफोर जेनायाव गोलैनो हागौं।

दिनै इन्टारनेसनेल
माउन्टेन डे फालिनाय जादो

गोदान दिल्ली, 11 डिसेम्बर: बोसोफ्रोमबो 11 डिसेम्बरआव मुलुगनाडै नो इन्टारनेसनेल माउन्टेन डे फालिनाय जायो, दिनैबो बे सानखौं फालिनाय जादो। बोसोफ्रोमबो माउन्टेन डे फालिनायनि थांखिआ सुबुंफोरनो हाजो-हालाफोरखौं सरैखाथि होनयनि फासै सांग्रां खालामनाय। मख 'जाथावदि, बुहुमनि 22 जौखोन्दो बाहागोआ हाजोजौं आबुं आरो हाजोनिफ्राय दै, आदार, फाहामथाय, इनाजि बायदि गोबां गोनां मुवाफोरखौं जौं मोनो। नाथाय बांबोबाय थानाय हाजो गाखोहैनाय आरो जौगाखां हाबाफारि मावनायजौं हाजोफोरा गोबां खहा जालांगिसिनो दड, जायनि सायाव सम थानायावनो नोजोर होनाय जायाब्ला माखासे गोब्राव थासारिफोरजौं मोगा-मोगि जानानो हागौं। बे सानखौं मोनसे जर'खा आयदा एबा



थिम लानाने फालिनाय जायो। हाजोफोरखौं सरैखाथि होनाया सुबुं माहारनि थाखायल' नड, गासै आबहावायारि बेंखन्थाय एबा बायडाइभार्सिटिनि थाखायनो गोनांथार। 1992 आव जेक्ला आबहावा आरो जौगाखां नायखौं लानाने इउएन सन्मिलनआव एजेन्डा 21 नि सेप्टार 13 आव नोजोर होनाय जादोमोन अब्ला मुलुगनि हाजोफोरखौं सरैखाथि खालामनाया जौनि थाखाय बेसेबां गोनांथार

बेखौबो नोजोर होनाय जादो। जायनि उनावनो इउएन महासभाया 2002 आव इन्टारनेसनेल माउन्टेन इयार फोसावो। बेनि उनाव गिबि खेब 11 डिसेम्बर 2003 खौं मुलुगनाडै इन्टारनेसनेल माउन्टेन डे फालिनाय जायो। बेनिफ्रायनो दासिमबो फालिबोगासिनो थादो। देरलायनि बे साननि थिमआ जादो-रिस्टर्नि माउन्टेन इकसिस्टेम।

जानुवारिसिमआव सामब्राम गोजारखौ
बाडाइ बेसेनआव मोनसिगोन

गोदान दिल्ली, 11 डिसेम्बर: हादरआव थाबैनो सामब्राम गोजारखौं बाडाइ बेसेनआव मोनो हासिगोन। कन्जुमार केसफोरनि नेहाथारि रहित कुमार सिंआ फोरमायदोदि, सरकारआ 2024 नि जानुवारिसिमआव सामब्राम गोजानि बेसेनआ 1 कि:ग्रा:आव 57.02 रॉनिफ्राय दावखलायनाने 40 रॉआव सौडै नो हागौं। थांनाय सप्ताहआव सरकारआ सामब्राम गोजानि बेसेनफोरखौं कन्ट्रल खालामनो आरो हादरआव



थोजासे मोनहोनो थाखाय 31 मार्च 2024 सिमआव सामब्रामनि एक्सपर्टखौं

सुंद' सल'

बिरफुं नार्जारी

समा थाडो खोन्दो खोन्दो बोथोरा थाडो हालो दैलो आरो बेसोआ थाडो हांसो हांसो। बोथोरा सोलायस्तु खाथिजौं सोलायै सोलायै दैज्जां बारनाने माब्लाबानो आफा दावदै गावब्रा लाइजासे गोजानायखौं लानाने गोजां बोथोर सौंफै लाइबाय। गोजां बोथोर मोनबाथाय बड'फोरनि बोथोर जानाय लौनाय रंजानायनि मुखुब जायो बड'फ्रा बे समाव। सैमा लानजाइ मानि ओंखाम, अमा बिखुमानि अफ्रि जानायनि लौनायनि आंखाल जाया।

बे समावनो सैमा अरलायहोनो मोजां मोनो बर'फ्रा। जाय फारा फारि खारसन लायो घतगा हमनाने नाइलायो हाबा लालाइयो। सोरनिखौं सोर मा बुंनो। हाबा लाखांबानो गासिबोखौं जाजोबगोन बादि मोनो बड'फोरा। उनाव मा जाहैगोन मा जाहैया बौरै राइजो जालानांगौं जालां नाड बेखौं सान्नांगौंनि गोनांथि गैया सानो।

कान्टालगुरि गामियावबो अमरनि हाबा जागोन माघ दाननि 12 अक्तआव थाइजौं गुरि गामिनि बारसिजौं। हिन्जावगोदाना खारसननाने थाफै खाबाय। गोसो थौलायनाया आमथा आमथाद्राय जानाने सबाइ दाखुराफोर बायदि जालाय खाबायमोन। बेसेबां नायनो मोन बिसोरनि पुजानि मेला, देवोलनि मेला, गान बाजोनायाव खायदा लायै लायै लोमो हम्लायनाय। बांद्राय गोसो थोब्रेनाने देरलाय खारसनबाय। मानसिफ्राबो मोजां गात्रि लामा लामा सावरायो नालाय।

हाबा, खेराय, सावरि बादालि होनबाथाय बड'फोरा गावजौं गाव ज' ज' अनलायनयनि सिमा थाया। कान्टालगुरि गामिनि मानसिफोरनि गोसोआव दुहाव जालायथारदो हाबायाव रंजानो मोनसिगोनखाय। अमरनि हाबायाव गामिनि बयबो बड'नि नियम बायदियै हाबा न'खरखौं हेफाजाव होनो थाखाय बानलायदो सोरबाबा बेम्पार, माइक, सोरबा अमा, ना, थाव, बायदि बाइदि।

लथर बेंगायाबो गामिनि सिगांनि सेंग्रा लोमो मोनखाय दालि आदामन बाइनाने हेफाजाव होनो थांखि लादो। गावनि हाबायाव अमर मोनहा दालि बान्नायखौं गोसोआव दड बेहा। बदल हैफिनाब्ला मान सनमाननि खोथा जागोन सानदो। लथर बेंगाया।

समबार भावरगुरि हाथाय लटर बेंगाया ननि माइ महनसे फानाने मोन्याय रांखौं लानाने बेलासि बेलासि ओंखारदो हाथाय होनाने। सान्ने उनावसो अमरनि हाबा जागोनखाय दालि आदामन बाइनाने लाइनो थाखाय। भावरगुरि हाथाया कान्टालगुरि गामिनिफ्राय बारा गोजान जाया थाबायोब्ला घन्टा खवसेल' नांगौं। बेनि थाखायनो बेलासि जानानेसो ओंखार खादो। लटर बेंगाया हाथायाव गावनि नांगौंखौं लाखानाने ह'राव उन्दुनो ओंखारनायनि एसे बोसोनो थाखाय जारसिनाव जकथाव हैदो लटर बेंगाया।

बिहार फोरेंगिरि थिसन्थाय फेज 1 नि
आन्जादिनि फिथाइखौ फोसावबाय

गोदान दिल्ली, 11 डिसेम्बर: बिहार फोरेंगिरि थिसन्थाय आन्जादिनि फेज 1 आव लोब्ला गोनां बिजाथिफोरनि थाखाय गिदिरि खौरां। बिहार राइज्यो स र क ा र नि मुलुगसोलौंसालिफोराव गुबुन गुबुन थाखोआव फोसावदिनि थाखाय 1.7 लाखनिखुइ बांसिन फोरेंगिरिफोरखौं गिबि खोलोबनि थिसन्थाय आन्जादिनि फिथाइखौं बिहार सुबुं सिबिथाय आयगआ फोसावदि खालामदो। आयदानि गेजेरजौं 10 डिसेम्बर रिबबारखालि बिपिएससि टिआइ 1.0 सॉलिमेन्ट्रिजाल्ट 2023 खौं फोसावो आरो गुबुन गुबुन थाखोफोरनि थाखाय सायख'जानाय बिजाथिफोरनि रल नम्बरखौं फोसावाने होनाय जाबाय। बेबादिआव जाय बिजाथिफोरा बिपिएससिनि गेजेरजौं 24, 25 आगस्टआव खुंनाय लिस्नाय आन्जादआव



बाहागो लादोमोन बिसोर गावसोरनि आन्जादिनि थाखाय फोसावनाय जाफु'सार बिजाथिफोरनि फारिलाइयाव गावसोरनि रल नम्बरखौं अनलाइननि गेजेरजौं चेक खालामनो हागोन। बिहार फोरेंगिरि थिसन्थाय फेज 1 नि आन्जादिनि फिथाइ फोसावनायखौं लानाने बिपिएससिनि आफादिगिरि अतुल प्रसादआ 10 डिसेम्बरआव ससेल मिडियानि गेजेरजौं खौरां शेयार खालामो। आफादिगिरिनि बुनाय बादिब्ला, टिआरआइ 1.0 नि थाखाय 4797 भेकन्सि मोन्दोमोन। बिसोरनि गेजेराव 2024 मासिफोरा खालियै गोलैसोना दड आरो आलादा-आलादा थाखोफोरखौं ज' खालामनाने गासै 2773 केन्डिडेटफोरखौं जाफु'सार महैर फोसावो। बेजौं लोमोसे आफादिगिरिआ जाफु'सार बिजाथिफोरनो हामलायथि बाउयो।

हाबथादो। सरकारनि फार्सिनिफ्राय बे थांखिआ बै समाव लाजायो जेब्ला दिल्लीआव सामब्रामनि खुसरा फान्नाय बेसेनआ 1 कि:ग्रा:आव 80 रॉ बारलाडो आरो मन्डिफोराव 1 कि:ग्रा:आव 60 रॉनि खाथिसिम सौहैदोमोन। कन्जुमार केसनि नेहाथारि रहित कु मार सिंआ बुं'दोदि, दैथायहरनायखौं होबथानायनि थांखि लानाया आबादरिफोरनि सायाव जेबो गोहोम गोलैनाय नड। कन्जुमार प्राइस इन्डेक्सनि सायाव बिथा खालामनाने जुलाइ दानआव सामब्रामनि रांखाथि दावखोनाय डबल डिजिटआव सौहैनाने थादो, जाय अक्टबर दानआव बरायनाने 4 बोसोरनि जौसिन थाखोआव 42.1 जौखोन्दोआव सौहैदो। अन्जमा बादिब्ला, सोलिफु रांखाथि बोसोराव 1 एप्रिलनिफ्राय 4 आगस्टनि गेजेराव हादरनिफ्राय 9.75 लाख टन सामब्रामखौं गुबुन हादरआव दैथायहरनाय जादो।

थांनाय बायदि मोनबाय। हाबाव मा जाखो होनाने गाबहां खुहां जाबाय बियो। खरासिन थाबायबाय बियो बोलो होनाने गाग्रां गासि नाराबारि गेजेर गेजेर। खेब खेब होन्याय सोदोबा बारानिफ्राय बारसिनसो जाबाय। गिदोब्लाबो लटर बेंगाया बिखाखौं गोजौं खालामनाने आखायखौं गोरा हमथुमनाने उनजौं नायबाय मा जिनिस, जेबो गैया। मा जाखो ननाने बिखानि मावनाया बारानिफ्राय बारसिन जाबाय। थेवब्लाबो साहस खालामनाने थाबायफिनबाय लटर बेंगाया जिसिनो गोबारे थाबायो एसेनो बांसिनसो उन उन खारफायो। गोदोनायाव हमनाने सिखेब सिनगोन बादि मोनबाय बियो भुटखौं। साहसआ जोबनाने हांखौं सरथे सरथे मोनबाय। बोलो होनाने खारबाय होखाव होखाव, आयैलै, आयै भुट, भुट, होनाने थैनाय थांनायखौं बुजिथारिखिसै। गामियाव नुहरनाय जौंथि जौंथा स्रांखौं नोजोर होनाने।

होखावनायखौं गामिनि बयबो खोनहैजोबनाने सोरबा बिफटआव गोलैबाय होनाने फाथोसिनानि अर थरस लानाने ओंखारबाय ज' ज' होखावनाया दसे उनाव सि जाबाय। बयबो सानबाय सोरबा जाम्बु बिफांनि भुटजौं अरजानाने थैबाय। बिनि थाखायनो हाखु दाखु दावगाबाय सोरमार बेखौं उदिस लानो। मा जादो ? नायनो।

बयबो दावगानाने थांब्ला नुबाय लटर बेंगाया बन्दुमोनि दुब्लि सेरनि खरसिथलायाव सलादो गोलैनाने दड। बयबो दावराव जाबाय लटर बेंगाया भुटजौं सिगि जानाने थैहाबनाने दं। गामिनि एसे अजा रोंहानाय हंला बुथंङ दानायनाने बुंबाव... हाब बेखौंथ' ससान खालिसो अरदो, थाबनो सानजाजौं मोखां जानाय साल दावखुमै बिफांनि बिलाइ, बोरमा गोसोम मासे, जौ गिसिनि खर' बटल गंनै आरो थाखा सेजौं से नांगोन नडब्ला बासिनांगौंआ गोब्राव जासिगोन होनाने। लटर बेंगानि बिसिया खोनाने हाखु दाखु खारबोबाय हाबाव हाबाव फागला मोरोना थाब फै होन्याय बिसि जारसिनाव हासुदैखौं लोनाने हर थौबाइ दानिया भुटजौं अरजाबाय, होनाने होखाव होखाव रायै रायै।

हंला बुथुं अजानो जा नांगौं होनाय जाबाय। जेबोखौंनो मोनाखैसै हंला बुथुंङ। लासैनो दै सांथि सारसियै सारसियै मोन्थोर आवरायबाय हंला बुथुङ। दसे उनाव एफा एफा हुस फैबाय। बयबो सोंबाय मा मा जायामोन बौरै बबाव भुट सिगियामोन ? लटर बेंगानाव।

गासिबो खोथाखौं खोना संनाने गामिनि खार मास्टारा सोंबाय नौनालाय दालिया बोरौ होनाने। बिब्दि सोंब्ला बयबो नायबाय दालिया गैया बस्टा गोजा लटर बेंगानि आखायाव दड।

मिनिनो ना रागा जौनो जाबाय लटर बेंगाया गासिबो जाथायखौं हमनो हानाने। बस्थानि दालिया गबल'जौं गनायखौंनो भुट सानाने फिट जालाय लायनायखौं मिथिनाने मानसिफोराबो मिनिबाय आजौं गाजां।

बारग' हादरगिरि प्रणब मुखार्जीनो जोनोम साननि बिबार बाउदों गाहाइ मन्थि मदिआ

गोदान दिल्ली, 11 डिसेम्बर: दिने भारतनि बारग' हादरगिरि प्रणब मुखार्जीनि जोनोम सान। बे सानआव गाहाइ मन्थि नरेन्द्र मदिआ बिथानो खर' गंग्लायै बिबार बाउदों। ससेल मिडिया एक्सआव गाहाइ मन्थि मदिआ प्रणब मुखार्जीखौ गोसोखानानै लिरदों, श्री प्रणब मुखार्जीनि जोनोम सानआव बिथानो बिबार बाउयो। बिथानि रजखान्थिआरि कौसल आरो बाउसोमनाया जौनि हादरखौ लामा दिन्थिनायाव गाहाइ बिफाव लादों। बिथानि लामा दिन्थिनायाव आरो दैदेन्नाया अमुल्य एबा बेसेनजौ रुजुजाया। बिथानि गियान होलानाया जौगानायनि लामायाव जेब्लाबो मोनसे लामा दिन्थिग्रा जानानै थगोन। बेरफासै सोगोयारि प्रणब मुखार्जीनि जोनोम साननि खाबुआव बिथानि फिसाजो



शर्मिष्ठा मुखार्जीआ गांसे बिजाब बेखेवदों। बिफानि जिउ जारिमिननि सायाव लिरनाय बिजाब- इन प्रणब, माइ फादार: ए डटार रिमेम्बर्स मुंनि बिजाबखौ दिनेनि सानआव बेखेवनाय जायो। बे बिजाबखौ लानानै गोबां

सावरायनाय जादों। मानोना बिजाबआव कंग्रेसनि दैदेनगिरि राहुल गान्धीखौ लानानै माखासे जाथायफोरखौ मख'नाय दड। बिजाबआव शर्मिष्ठाआ मख'दोंदि, प्रणबआ गाहाइ मन्थि नरेन्द्र मदिखौ लानानै गावजों

एएम आरो पिएम नि गेजेराव फाराग बुंथिनयनि गोहोखौ लानानै सौंथि खालामदोंमोन। बिजाबआव शर्मिष्ठाआ लिरदों, सानसेखालि फु डव राहुल गान्धीआ प्रणब मुखार्जीजों लोगो हमनो थानदोंमोन। बारग' हादरगिरिआ बे समाव मुगल गार्डेनआव सानफ्रोमबोनि बादिनो फुनि बेरायगलानाया हाबाफारि बादिदै बेरायदिदोंमोन। बबेखानि बिथानि लोगो हमनायनि समआ बेलासिआवमोन, नाथाय राहुल गान्धीनि मावख'आ गोरोंथिथै बिथानो फु डव जथुम्मा जागोन होन्नानै खौरां होदोंमोन। जेब्ला बेनि बागै आं आफानाव सोडो, अब्ला बिथाडा जेना गोनां रावजों बुदों, जुदि राहुल गान्धीनि मावख'आ एएम आरो पिएमनि गेजेराव फारागथिखौ मिबथियाब्ला बिसोरों सानसे समाव पिएमअखौ सामलायनायनि माबोरै आसा खालामनो हानो? होन्नानै शर्मिष्ठाआ बुदों।

मिश्रआव सान 3 नि हादरगिरि बिसायख'थिआ सोलिगासिनो

काहिरा, 11 डिसेम्बर: गोब्राब रंखाथियारि जेनाजों भुगिनांनय मिश्र (इजिप्ट) आव हादरगिरि बिसायख'थिआ रबिबारखालि जागयो आरो बेनि हाबाफारिआ सान 3 सोलिगोन। बेनि फिथाइखौ फेगौ 18 डिसेम्बरआव फोसावनाय जागोन। सोलिबाय थानाय बिसायख'थिआव आथिखालनि हादरगिरि आब्ले फलाह अल-सिसिनि बेरेखायै रावबो गोब्रों बादायारि गैयैनि जाहोनाव बिथाडनो देरहागोन होन्नानै गनायथिनाय जादों। अदेबानि अल सिसिनि बेरेखायै सा 3 बिजाथिफोर बिसायख'थियाव बादायदों। बिथामोननि गेजेराव बेरेखा दोलो ससेल डेमक्रेटिक पार्तिनि गाहाइ फरिद जहरान, भफाद पार्तिनि आफादगिरि आब्ले सनद यामामा आरो रिपब्लिकान पिपुल्स पार्तिनि गाहाइ हेजेम उमरआबो दड। अल सिसिआ देरहासाद जालोब्ला बिथाड लान्थियै 3 थि खेब हादरगिरि जागोन।



अदेबानि गाजायाव इजराइल आरो हमासनि दावहा सोलिबाय थानायनि जाहोनाव बे बिसायख'थिखौ लानानै जेबो मख'जाथाव थुलुगानाय नुनो मोनाखै। आथिखालाव मिश्रनि नोगोरिफोरनि नोजोरआ गावनि हादरनि सान्जा सिमनाफोरव सोलिबाय थानाय दावहायाव दड। मावख'यारि अन्जिमा बादिब्ला, 10.50 कौटि सुबुं अन्जिमा गोनां बे हादरआव थाम बाहागोनि से सुबुंफोरानो निखावरी। बे बिसायख'थिआव 6 कौटिनि बांसिन सुबुंफोरा भट होनो हानायनि गुन गोनां आरो बिसोरनि बांसिनानो बिसायख'थिआव भट होगोन होन्नानै बिबानगिरिफोर आसा खालामदों। मिश्रनि माहारियारि बिसायख'थि आयगनि बादिब्ला, रावबो बिजाथिआ 50 जौखोन्दोनि बांसिन भट मोनाब्ला फेगौ 8-10 जानुवारीआव फिन बिसायख'थि खुंफिनाय जागोन। मख'जाथावदि, मिश्रनि सान्थिहान्थानिप्रय आञ्जि मोनाय फिलड मार्शल अल सिसिआ हादरनि गिबिसिन सुबुंखान्थियारि महरै सायख'जानाय हादरगिरि बोख्खानायनि उनाव गिबि खेब 2013 हादरगिरि जादोंमोन। बेनि उनाव 2018 आव फिन गोबां भटआव देरहानानै खुंथायाव फेफेदोंमोन।

पाकिस्ताननि मुल्तानआव गंसे गलायाव बेरफुनाय जाथायाव सासे गथ'नि जिउ गोमादों आरो सा 4 सुबुंफोरा जोखोम जादों

इस्लामाबाद, 11 डिसेम्बर: पाकिस्ताननि मुल्तानआव गंसे स्क्रैप गलाआव गोब्रों बेरफुनाय जाथाय सोमजिदों। बे जाथायाव सासे उदै गथ'नि जिउ गोमादों आरो सासे आइजोर्जों लोगोसे गुबुन साब्रै सुबुंफोरा जोखोम जादों। मिथिनो मोन्नाय बादिब्ला, बे बेरफुनाया मुल्ताननि तबाकल गामियाव गंसे जांक गलाआव जादों। सुलुनि बादिब्ला, बेरफुनाय जाथायाव सासे उदै गथ'आ जायगायावो जिउ गोमादों आरो जोखोम जानायफोरखौ मुल्ताननि निशतार फाहामसालिआव लानानै फाहामथाय होयो। पुलिस बिबानगिरिफोरा मिथिहोनाय बादिब्ला, जिउ गोमानाय गथ'नि सिनायथिखौ अहमद आली



होन्नानै मिथिहोदों। बेनि सिगाबो खुजदार काउन्टर टेररिज्म डिपार्टमेन्टनि एसएसअखौ थांखिनानै बिनि गारिखौ बमा बेरफुहोनायाव बिथानि जिउ गोमादों। पुलिसनि बादिब्ला, बे जाथाया खुजदारनि इब्राहिम रडआव जादों, जेब्ला एसएसआ सिटिडि खुजदार मुहम्मद मुरादिनि गारिखौ थांखिनानै गाग्लोबदों। सिटिडि बिबानगिरिनि गारिआव बमा दोन्नाय जादोंमोन। गारिनि बेरफुनाय जाथायनि उनाव एसएसअसनि गोथै सहखौ जिल्ला मावख'आव लानाय जादों। सुलुनि बादिब्ला, थानाय

सप्ताहआव खैबर पखुनख्खा पेशाबरआव वरसाक रडआव मोनसे बमा बेरफुनाय जाथायाव सा 3 उदैफोरजों लोगोसे सा 7 जोखोम जादोंमोन। पुलिसआ फोरमायदोंदि, बे बेरफुनाया बाबु गद्दी चौकनि साखाथियाव जादोंमोन। पुलिसनि बुंनय बादिब्ला, बेरफुनायाव लामा सेराव दोन्नाय 4 कि:ग्रा: बेरफुग्रा मुवाखौ बाहायनानै बेरफुहोदों। बेयाव जोखोम जानायफोरखौ लेड रिडिं दे हा फाहामसालिआव लानाय जादों।

गाजायाव हाबाफारि सालायनाय इज्राइलनि सान्थिफोरा उदैनि गोब्राब बेमारजों भुगिनांदों



इज्राइल-हामास, 11 डिसेम्बर: गाजायाव हाबानानै हामास उतखारिफोरनि हेंथायै दावहा खालामबाय थानाय इज्राइल सान्थिफोरा आरोबाव मोनसे दावहाबो नांगसिनो दड। इज्राइलनि डक्टरफोरा बुंनय बायदिब्ला गाजानि हाबाफारियाव नांथाबनाय माखासे सान्थिफोरा उदैनि मोनसे गोब्राब बेमारजों भुगिनांसिनो दड, जायखौ बिसोर शिगेला होन्ना बुडो। बिसोरनि बायदिब्ला, साखोन-सिखोननि गाञ्जि थासारि आरो दावहा नांनय ओन्सोलाव रैखाथि गैयै जाग्रा आदार जानायनि जाहोनाव बे बेमारआ गोसागासिनो दड। इज्राइलनि असुता अशदद देहाफाहामसालिनि इन्फेक्सन बेमारनि बिथोनगिरि ३ ताल ब्रशआ बे बेमारनि सोमोन्दैयै

बेमारनि रिपर्ट होदों। ड० ब्रशआ बुंबावदोंदि, बे बेमार गोसारनायनि मोनसे रोखा जाहोनआनो जाबाय जाग्रा आदार, जायखौ इज्राइलनि नोगोरारिफोरा सडो आरो गाजायाव थिसनजानाय सान्थिफोरनो दैथाइहरनाय जायो। बे जाग्रा आदारआ शिगेला आरो ख'हा गोनां बेक्रेटरियाजों इन्फेक्सन जायो। लानाय समाव बे जाग्रा आदारखौ गुसुबो खालामनाय जाया, जायनि जाहोनाव बेयाव बेक्रेटरिया सोमजियो आरो जानाय समाव सान्थिफोरा बे बेमारजों भुगिनाडो।

श्रीलंकानि दै सान्थिफोरा सा 25 भारतयारिफोरखौ हमदों

कलम्ब, 11 डिसेम्बर: श्रीलंकानि दै सान्थिफोरा सा 25 भारतयारि ना हमग्राफोरखौ गावसोरनि जिम्मायाव लादों आरो बिसोरनि गं 2 नावखौबो जब्द खालामदों। श्रीलंका दै सान्थिआ बुदों, शनिबार हरआव बिसोरखो जिम्मायाव लादों, जाय समाव बिसोरों आइन् बेरेखायै ना हमदोंमोन। हमजानाय भारतयारि ना हमग्राफोरा तामिलनाडुनि नागपट्टिनाम आरो पुडुचेरिनि करइकल जिल्लानि थागिबि। हरनि समाव आइन् बेरेखायै ना हमनायाव हमजानाय भारतयारि ना हमग्राफोरखौ कंकासांतुरै गाथोनआव लानानै उननि नायबिजिनयनि थाखाय मैलादी ना फिसिग्रा बिफाननि इनस्पेक्टरनो गथायो। बेनि



गेजेरावनो जिम्मायाव लाजानाय केसखौ लानानै तामिलनाडु राइज्यो बिजेपिनि आफादगिरि आनामलाइआ रबिबारखालि गुबुन हादरयारि मन्थि एस जयशंकरनो लाइजाम लिरहरो। बिथाडा भारतयारि ना

हमग्राफोरखौ हादरआव लाबोफिन्नायनि थाखाय गुबुन हादरयारि मन्थिखौ बेयाव आखाइ होनो खावलायहरो। मख'जाथावदि, सोलिफु बोसोराव दासिमआव गासै गं 33

एनएसइआव स्पाइसजेटनि शेयारआ थाबैनो लिस्ट जासिगोन

गोदान दिल्ली, 11 डिसेम्बर: एयारलाइन कम्पनी स्पाइसजेटआ थाबैनो गावनि सिकिउरिटिस बायदि शेयार, बन्ड, डेरिभेटिव बायदिखौ नैसनेल स्टक एक्सेन्जआव लिस्ट खालामगोन। एयारलाइनआ रेगुलेटरि फाइलिआव बुडोदि, बांसिन इन्भेस्टमेन्ट खालामग्राफोरनिमिस सौहैनो थाखाय कम्पनीआ थाबैनो गावसोरनि सिकिउरिटिसखौ नैसनेल स्टक



शेयारआथि अख्खाव सौफैयो खौरां लिरहरजासिमाव कम्पनीनि स्टक बिएसइआव 6.23 रं एबा 11.33 जौखोन्दो बांनानै 61.20 गडव सौहैयो।

सुलुडव फोरमायनाय बादिब्ला, स्पाइसजेटआ एनएसइआव फारिलाइ जानो थाखाय रंखाथियारि निमाहा होनायजों लोगोसे गुबुन गुबुन गोनांथि जानाय बेसादफोरखौ आबुं खालामनांगोन। आथिखालाव कम्पनीआ उरां जाहाजनि आयदाफोरजों लोगोसे माखासे जेनाफोरजों भुगिनांसिनो दड आरो फान्डआ रेजनि सायाव नोजोर होगासिनो दड।

गोरेन्थि फोसाबनाय
गाहाय होनाय देवार नं. 58-पुर्नि-1-2023 भाइ इ-डेनार फोसावनाय नं. 143-डब्लिन-2-पुर्निडेजेखी सोलायनाय जायाव। अक्ट: 29-11-2023। अन्तनी फावनाय नाय: देनार जीवनायनि स आगे अक्ट: 22-12-2023 नि 13:00 रिगनि सोलाय 08-01-2024, 13:00 रिगनि देनार फोसावनाय स आगे अक्ट: 22-12-2023 नि 15:00 रिगनि सोलाय 08-01-2024 नि 15:00 रिग। देनारनि युवत नेमखाथि आगे फारिआथिदे एखेनेनो थगोन।
फिआरप (कार्कन), आरिपुवकार जेन
सा-सान्जा सिमना रेलवे
"मिनिस्त्राजों साककोरि सिधाय"

No.GMB. 82/AOP/SOPD/2023-24/195 Dated the Goreswar 1st December, 2023

NOTICE INVITING TENDER

Sealed tenders affixing non refundable court fee stamp of Rs. 8.25 (Rupees eight and twenty five paise) only with validity period of 180 days, which will subsequently be converted and drawn up in F-2 form are invite from APWD registered contractors of class-I (A), (B) & (C), class-II and class-III (Roads and Building) category of Assam PWD (Roads and Building) BTC., Irrigation Engineering Department Class-I (A), (B), (C), Class-II and Class-III And registered contractor of Goreswar Municipal Board Class-I (A), (B), (C) and Class-II and Class-III according to their eligibility for submitting tender of the works given below. **The tender will be received by the undersigned at his office up to 1.00 PM. of 21st December, 2023 and will be opened on the same day at 2.00 PM.** in presence of the intending Bidders or their authorized agents. If the office of the undersigned happens to be closed on the date of receipt of tenders, the tenders will be received and open in the same venue and time on the next working day. Earnest money as shown below in the form of NSC/D.D/FDR duly pledged to the Chairperson, Goreswar Municipal Board will have to be deposited along with each tender. In case of SC, ST/OBC or unemployed Graduate Engineer (Proof to be enclosed along with the tender) bidders, the earnest money will be 50% of the earnest money specified below. The detailed tender document may be obtained from the office of the undersigned by the intending bidders, on written request and payments of As per chart which is non refundable, during office on before 4.00PM of 20th December, 2023.

The Bidders have to quote percentage based rate corrected to two digits (Both on figures & works) after decimal points only. The tender must be accompanied with copy of valid registration under APWD Bldg/Rds., Irrigation Engineering Department And GMB As applicable, GST registration, up-to-date labour license, PAN Card, Income Tax Return, detail information and proof on past experience of works of similar nature, list of construction tools and machineries owned by the Bidders, Technical Person to be engaged, Financial soundness Certificate, Cast Certificate etc. And other information in the prescribed format given in the tender Document.

Sl. No.	Name of Work	Estimated cost in Rs. (Approx)/ Tender Value	E.M.D @ 2% OF ESTIMATED cost (Amount in Rs.)	Time of Completion	Cost of Bid Documents (Amount in Rs.)
1	Construction of ICBP road at Dhirenpara, ward No-4, Goreswar MB under SOPD fund for the year 2023-24.	Estimate cost Rs.20,00,000.00 Tender Value Rs. 19,80,197.00	Gen Rs.39,604.00 ST,SC,OBC Rs.19,802.00	1 months	600.00
2	Construction of ICBP Road at Begenahati High School Road, ward No-7, Goreswar MB under SOPD fund for the year 2023-24.	Estimate cost Rs.14,00,000.00 Tender Value Rs. 13,86,138.00	Gen Rs.27,722.00 ST,SC,OBC Rs.13,861.00	1 months	420.00
3	Clearing and re-sectioning of existing drains for urban flood mitigation under Goreswar Municipal Board under SOPD fund for the year 2023-24.	Estimate cost Rs.6,00,000.00 Tender Value Rs. 5,94,060.00	Gen Rs.11,882.00 ST,SC,OBC Rs.5,941.00	8 months	180.00

The tender must be delivered in the name of the Chairperson, Goreswar Municipal Board, Goreswar, Tamulpur within the specified date and time above. Unsealed tender will be summarily rejected. No postal tender will be entertained. Time of completion of the works is one months from the date of issue of formal Work Order. All other details terms and conditions can be seen in the tender document for the work.

The undersigned reserves the right to accept or reject any or all the tenders without assigning any reason thereof and does not bind him to accept the lowest rate.

Sd/-
Chairman
Goreswar Municipal Board

Sd/-
Executive Officer
Goreswar Municipal Board

IPR(BTC)-2023-24/923

सावगारियाव दं मासे मावजि बेखौ 5 सेकेन्डआव नागिरना दिहुन

सानफ्रोमबो मोनसे रोखोमनि हुदाफोरनि जाहोनाव जॉनि मेलेमनि एक्सारसाइज जाया। मेलेमखौ गाहामे लाखिनायनि थाखाय बेखौ एक्टिभयै लाखिनाया गोनांथार। बेनिखायनो जॉ बयबो माबा मोनसे ओरेबायदि एक्टिभिट खालामनाया गाहाम, जायजॉ जॉनि मेलेमा एक्टिभ जानानै थानो खाबु मोनो। बेनि थाखाय बाजारआव आरो इन्टरनेटआव माखासे गेमफोरखौ मोनो हायो, जाय जॉखौ मेलेमनि एक्सारसाइज खालामनायाव मदत होनो हागौ। बेफोर गेमनि गेजेराव मोनसेया जादो, अष्टिके ल इलुजन, जाय मेलेमखौ सांग्रां खालामनायाव



मदत होयो आरो बेजॉ जॉनि अब्जाभंसनेल स्क्लसआ साबसिन जायो। मेलेमनि एक्सारसाइजनि थाखाय सानफ्रोमबो अष्टिके ल इलुजनखौ सलथ खालामनाया

मुलाम्फा गोनां। दिनै मोनसे मोजां अष्टिके ल इलुजन सावगारि लानानै फैंदो, जायजॉ अब्जाभंसनेल स्क्लसनि टेस्ट नायनो हागोन। दिनै इलुजन सावगारियाव 5 सेकेन्डनि

गेजेरावनो मावजिखौ सिनायथिना दिहुन्नांगौ। सावगारियाव माखासे न' बिल्डिंफोर दड, बेफोरनि गेजेरावनो मासे मावजि दड, सम होनाय बायदियै मावजिखौ सिनायथिनो हायोब्ला नोंथाड सेलेन्सआव देरहाहोन आरो गोखौं नोजोर आरो सांग्रां मेलेमनि होन्ना गनायथिजागोन। मख 'जाथावदि, मोनफ्रोमबो अष्टिके ल इलुजनखौ सुखानायनि थाखाय मोनसे राहा थायो। बे ट्रिकनि मदतजॉ बेखौ सुखानायाव गोरलै जायो। सावगारिनि आगसिथिनिफ्राय आगदाथिं मोजाडै नायनो जागायनानै मोजाडै नुवाखैब्ला, सावगारिनि गासिबो बाहागोआवनो मोजाडै नायोब्ला, फिन्नायखौ मोनगोन। 5 सेकेन्डनि गेजेरावनो मावजिखौ नुनो मोनोब्ला नोंथानि अब्जाभंसनेल स्क्लसआ थारैनो गोखौं। अदेबानि सावगारियाव मावजिखौ नुवाखैब्ला, आगसिथिनि गोजौ बाहागोयाव बिल्डिंआव मासे मावजि दड।



जेना

मुसि बिशीजित बसुमतारी

समजॉ लोगोसे गेलेदोमोन आं बै गुवार फोथाराव दसे समनि उनाव नुनो मोन्दोमोन आं मोनसे जेना। माबोरै बे जेनाखौ बोखारनो हालाय-हाफाय जादोमोन आं गोजोन गैयै दावराव-दावसि रावबो हेफाजाब होफैयखैमोन। आंनि बे गोजोन गैयै जेनायाव हज्रिखाव हज्रिखाव गावदोमोन आं सहायनो हायाखैमोन आंनि गोजोन गैयै जेनाखौ गावखौनो गाव बावगोमा लादोमोन आं सानोमोन आं बे जेनाखौ माबोरै बोखारनो बे बुहुमआव गोजोन गैला सुखु गोजोननि लामा गैला बे गोजोन गैयै संसाराव राइजो जाला आं बे संसाराव, समासो ओरेनो बारग' लांबाय नाथाय बे जेनाखौ बोखारनो हायाखैसै बे आंनि जिउनि जेना।

बै समनि बुंलानाय दिन

गोसोनि बाना दैया बोदोयलांबाइ गोसोनि साननायाव। बोदोय लाडे नों जेबलाइबो आंनि मेगनि नोजोराव। दसे समबो गैया नामा नोंनि राव गोदें बुंनाय फाव बोदोयनाय दैया आंखौ बुंहरो दैसानि सेराव जनानै मा सान्दो आदा आं बाउगादाउनै खानानै बिनि फिनखौ बुहरनो सानो अब्लानो सोनाबथिनिफ्राय मा गिथाव बाथाव बारनि बार बारनायाव आंनि फोरमाय हरनाय राव बाथ्राया बारजॉ उराय लाडे। दैसानि दैया आंनि राव बुंनायखौ खोनानो मोनोथलाय

फैंदो जॉ बयबो खौसेयै

जेराव अनलायनाय फोथायलायनाय गैया बेवहाय गोजोन्याय थाया जेराव खौसेथि गैया बेवहाय जौगानाय थाया। बेखायनो मुलुग संसारनि दुलाराय बर हारिआनो फैंदो जॉ बयबो खौसेयै। अनलायनायनि माला सुजुदिनि अनलायनायनि माला सुजुना गावनि गाव अनसेमाजॉ फैंदो जॉ बयबो खौसेयै। गासै बर हारिमा लामा दोसेयाव गावजॉ गाव फोथायथिखौ दिदोम दाद खालामना फैंदो जॉ बयबो खौसेयै। हारि महरै नखर खुंलादिनि थार गियानखौ आर्जिना गोदान मुगानि सोलौंथाय बादायलायनायनि गेजेरजॉ फैंदो जॉ बयबो खौसेयै। सोलौंथायनि गियान लामोदिनि सोलौंथायनि गियानजॉ गावनो गाव बुजिलायनायनि गेजेरजॉ दुलाराय बर हारियायो। खौसेथि सुजुदिनि गासैबो बर' हारियायो दोसे लामाजॉ आगान सुरदिनि फैंदो फैंदो बर' हारियायो खौसेथि जाफिनदिनि दुलाराय बर हारियायो राइजोखौ लाइफिनदिनि

मुश्री प्रदीप कुमार बसुमतारी
ला:सो:-गंडिया।
जिल्ला:-कक्राझार।

एखनब्ला दैसानि रुगुनि हाब्रांखौ गुग्रब गिसि गाहोयो। अब्ला आं गोसोआव सानखानाय फैंबाय जे आंनि रावखौ दैसा बोदायलानाय खोना मोनाखौ बिनिखायनो आं सानसिनो ब्रै आं बुलानाय बाथ्राया बेसेबांवा समायनामोनदा आं बादो मोनबावनो

मुसि सुदेम बरगयारि
ला:सो:-उत्तर रुणीखाटा
जिला-चिरां, बिटिसि, आसाम,

रंजालि गथ'फोरनि सौरा

टेट्राकटिस खन्थाइ

सम
लाना
सुबुनि
जिउ लामाया
दुखुनि लैथोयाव थल्ल' नाडे

सम
लाना
सुबुनि
जिउ लामाया
जानो नाडे मोदैन जिउजिला

सम
लाना
सुबुनि
जिउ लामाया
जानांगौ जायो जिउ जिउ जिउ

बै
दाहा
दिखारखौ
सानसेबावो
मोनखायो सोरबा सुखारुबावो

जॉ
रावबो
सुबुख
सुखारुवाव
थानो मोना दुखुबो मोननाडे

-रैदोम बर',
माजदिया, बगुलामारि,
बाक्स

मबाइल

श्री मदन चन्द्र ब्रह्म
बसिगाव।

आंनि मुड मबाइल' आं मानसिफोरनि मोजां लोगो जाय आंखौ बाहायो बियो सानफ्रोमबो सानसे आंखौ बाहायनो, मोनाब्लानो गोसोखौ खेंखुर-खेंखुर मोनबाय थानाय बायदि मोनो। आं गोबां खेलाबो गेले जायो, जैरे मानसिनि सावगारि, बायदिसिना रोखोम-रोखोम सावगारि सेबखानाय, मोजां-मोजां, बर' केसेट, हिन्दी केसेट, इराजी केसेट, असमीया केसेट, बाला बायदि बायदि गानजॉ लोगोसे, मिउजिक फोरखौबो आं सेबखाना लानानै मानसिफोरनो खोना संहोनो हायो आं बिगियान मुगानि मोनसे बिगियाननि गोमोथाव होनाय होथाय। आं दिनै सुबुं माहारिनि गेजेराव उजिनानै आंनि बिमुगे बादि खालामनानै लानो साननायानो आंनि गुबै मिजिक आरो थांखि आं मानसि माहारिनि खाथि, गोजान, मटर, गारिजॉ सानसे, साननै, सानथाम, बेनि बांसिन समनि गेजेरावबो खौरौ होनो हायैखौ आं गोरलैयैनो खम समनि गेजेरावनो खाबुखौ होनो हागौ। आं मबेबा मबेबा टावार गैयै जायगायाव नाडा लासैबो थानो हायो। आंखौ मोजाडै बाहायफुनोब्ला खाथि गोजान टावार गायसनानै होब्लानो आं गासैबो जायगानि सुबिधाफोरनि राहाखौ मानसिफोरनो जगायनो हायो। आं दिनैनि बे मुगायाव सेंग्रा सिख्लाफोरनि साबसिन लोगो जाबावबाय। आंनि दारैनो नों बबे जायगायाव दं होनना सोंब्ला, आं नै बे गौरां सेरावनो दं होनना गुबुननो फोरमाय हरनो हायो। आं सेंग्रा-सिख्लाफोरनि गोसो थोलायनायनि सुबिधानि लामाखौबो होनो हायो, आं सारा बुहुमखौनो साग्लोबनानै जानो हाब्लासो आं गोजोनगोन। फैं आंनि खाथियाव सनाफोर आं होगोन सुबुं माहारियाव अरायबो मुलाम्फा आरो मदद।

दावदाब

नेखौ मोननो लुबैनाय सिमांखौ मोखथांआव हास्थायनाय दावदाब जानानै थालासिगोन रजे आंनि नोंखौ मोजां मोननायनि साजाया। बुरखानानै दोननो नाजायो आं हाया मानोबा आं बुरखायना दोननो.. आंनि जावलिआ बोरनाय गोसोखौ। हमथा हायै गोबोवा रजे.. सान-हर गोसो खंडे नोंनि मिनिनाय, रायदावनायफोरखौ नाथाय राहा गैया...!!!! नोंदि आंखौ गुमुखौनो लादिया नोंदि आंखौ रायदावहरनो समानो मोनदिया रजे। नों मिथिया....? नोंखौ गोसो खानानै... बायफलेयो गोबोवासो आंनि थेर-बेथेर नोंथ' बहा मोनदोनों रजे आंनि अननाय मोजां मोननायखौ दावदाब जानानै थालासिगोन रजे आंनि नोंखौ मोजां मोननाया नैबे जोनोम मोनसेयाव।

-बेलोरुम बसुमतारी
फखालागि, कक्राझार

दं दाबोनो

दंनायमानि गासैबो आंगोनियो आंगो अलखदिन समाव बिबो आंनिनो आंगो, नक्सालिआव जिगाबजॉ समान जिउ मोनसेआव जोबथिनि आन्दोआव; हरखाव जॉब्लावखानोहोनानै अरबिमानि महर होनो थाखै जिगाबनि गोनाथि, बिनि जुनै आं जिगाबजॉ समानथि। दाहानि थिलिआव नंगो थारैनो नंगो जेसेबांनो आंगो खालामा मानो एसेबांनो जोबथिआव दुखु- दाहाखौसो नाजावनांगौ जानानै फैयो, नंखाय आंगो आसिफोरा लुवादफोर बादि उखैनायखौ सुफुनो थाखै मि जिबिफोरनि फारसे आथिं फोलावो, बियाद मुनि जुनारा दं दाबोनो बुहुम बिखायाव सुबुंमाहारिनि गेजेरावबो।

साजा

फुबिलिनि रुयदोब जारां सानाव फैलाव गुवार फोथाराव गेलेदोमोन आं गिदि गिदि गोजोन सुदेम बार बारनायाव। लानानै दुखु गैयै जिउखौ। समनि गिदिनायाव सानदुनि थिं थिं दुंनाय जेबोला आंनि मोदोमाव नाडे अबोला आं बिफानि साया नागिरा। गैया बे गुवार फोथाराव आंनि थाखाय साया लानो फांसे बिफां बोथोरनि बाबेन्नायाव मोनफैबाय हुम-हुम हाम-हाम ग्रुम-ग्राम खोरुमनाय आसार सावन दाननि गिखंथाव बारहुंखा अखा सारअन्थाय अबोला आं आगोर मोना जायो। गैया आंहा बे संसाराव दान्दिसे जिरायना गोजोन होनो गंसे स'नानि देरा, बेनो नामा लाइमोन समाव समखौ बेसेन होनो रोंथेनि उदाडै बे संसाराव गिदि बायनायनि साजा

फाखन

सिमा गैयै थायने मेगनि गोफात नोजोराव, आनथोर जयै गोबोनिफ्राय बोहैग्लायनाय निजोरानि गुथालाव बुसोमजाबाय दिनै आं मिथिगानि बान गैयै जाल्लायाव। सुथुर दैथुननि केलेंकारि नारसोमनायाव, हायना मिथिगा, बिदिन्थानि थिन्नायाव जिउआव दावदाबसे मिजिं थिबाय नोंखौनो मिथिगानि आखुथायजॉ गोरुबलाना रिउ-रिउ सनानि दिडा जावलांनो जोनोमनि उनथार बै सोनाव फेसालिसिम। नाथाय.....बैसाग मासनि दै जावरिनायजॉ बुथार जालांबाय नों, जाय मिजिक आंनि बायग्रेब लांबाय जिउआसो आंनि नोजोरनि हांमा जालांबाय।

बनमालि दैमारि
बेनाबादि, बागसा

मुसि अशक नाजरी

श्री आसिनाथ बसुमतारी

कुमारिकातायाव बिजेपिनि गेदेर मावफारिया जथुम खुंदों

सिबिनो नागिरदों । बिथाड कंग्रेस दोलोखौं सॉंखारिनानै बुंदोंदि, कंग्रेस दोलोआ आसामनि रइजो–राजाफोरनो खुन्दुं–खम्बल गथायदोंमोन । बान्दोलसे खुन्दुंखौं बोखावनानै सानै सुबुंनो गथायदोंमोन । बेयो जोबोद इनाथ खामानिमोन । जोडे कंग्रेस दोलोनि गेनाखान्थि नुदोंमोन । नाथाय जॉं बिजेपिखौं बेबायदि इनाथ जाहोआ । आथिखालाव सरकारनि जौंगाखांनायनि मोनसे बिजिरथाय बिबुंधि होनानै बिथाड बुंदोंदि, कंग्रेस दोलोआ ६० बोसोराव आसामआव गं ६ ल’ फाहामथाय फ़रायसालिमा लुदोंमोन । नाथाय जॉं ७ बोसोरल’यावनो गं १८ फाहामथाय फ़रायसालिमा लुनो हादों । आसामनि गिबि मन्थि ७ हिमन्त बिश्व शर्माआ १ लाख खामानि गैयै लाइमोनफोरखौं साख़ि गथायनायनि बाश्रा होंदोंमोन । थंनाय २ खावसे बोसोराव आथिखालसिमाव ८७ रोज़ा खामानि गैयै लाइमोनफोरनो जॉं सरकारि साख़िवाव थिसनबाय आरो फ़ैगौ २ बोसोरनि गेजेराव गासै १ लाख ३५ रोज़ा खामानि गैयै लाइमोन सेंग्रा–सिख़्लाफोरनो साख़ि गथायगोन । जेराव जॉं बाश्रा होनायनिखुइ ३५ रोज़ा लाइमोनफोरनो बांसिनै साख़ि गथायगोन । बेबायदि खामानिखौं बिजेपि जुथाय दोलोनि सरकारल’ मावफुंनो हायो ।

तामुलपुर जिल्ला बिजेपिनि गाहाइ नेहाथारि रजेश बर’आ सामलायनाय मेलयाव बराय बिबुंधि होंदों दरड जुलि गौथुमारि बियाबनि एमसिएलए बिजित गोरा नार्जारीआ । मेलयाव बाहागो लाफैनानै आसाम सरकारनि रंखान्थि मन्थि अन्जता नेउगआबो आथिखाल सरकारनि जौंगाखांनायनि बिजिरथाय होनानै बुंदोंदि, २७ लाख आइजोफोरनो अरुनदय बिथांखियाव थिसन्नानै दानसेयाव ९० रोज़ा कौटि रं खरसा ख़ालामदों । थंनाय २ बोसोराव १ रोज़ा गोदान मडेल अंगनबादी मिरु बानायनो होंदों । थाबैनो बिटिआरआव पिजिआर, भिजिआर, हानि जेंनाखौं ‘बसुमति’ बिथांखिनि गेजेरजों सुफुंनाय जागोन । फारसेथिं एमपि दिलीप शइकियाबो मेलयाव बाहागो लाफैनानै बुंदोंदि, बिटिआरआव ३ बोसोराव गोजोन थासारि सोमजिबाय । बे गोजोन थासारि सोमजिनायनि जाहोना जाबाय भारतनि गाहाइ मन्थि नरेन्द्र मदि, नख’र मन्थि अमित शाह, आसामनि गिबि मन्थि ७ हिमन्त बिश्व शर्मा आरो बिटिआरनि गाहाइ प्रमद बर’नि दैदेन्नायाव थंनाय समफोराव बिटिआरआव सोलिबाय थानाय गोजोन गैयै थासारि, हिंसायारि खामानिफोरखौं होबथानानै बिटिआरआव गोजोननि थासारि लाबोदों । बिटिसिनि थागिरि राइजो–राजाफोरनि समान जौंगाथाय, समान मान आरो समान मोन्थायनि थाखाय आथिखालनि ट्रिपोल इन्जिननि सरकारआ खामानि मावदों । बेनि थाखाय दिनै बिटिसिनि राइजो–राजाफोरनि गेजेराव खामानि मावनाया गोबां बिबाडव जाफुंंहोंदों । मेलयाव एमएलए सुशन्त बराहाइ, तामुलपुर जिल्ला बिजेपिनि आफादगिरि भिक्टर कुमार दास, लेंथुमगिरि अरुनज्यति मरान, लक्ष्य कबर, बिटिआरनि एमसिएलए हेमन्त कुमार राभा, मन्डल आफादगिरि सैत्यजित पाठकमोनजों लोगोसे २ रोजानिबो बांसिन मदतगिरिफोरा बाहागो लाफेदों । फारसेथिं मेलनि उनाव खौरंगिरिफोरनि सिगिडव केबिनेट मन्थि पियुष हाजरिकाया बुंदोंदि, कंग्रेस दोलोआ मोनसे बियाबआवनो दावराव–दावसि सोमजिदों । बे बियाबआ जाबाय नगाव लकसभा बियाब । सन्देह गोनॉं बांलादेशनि नोगोरारि सुबुंफोर थानायनि थाखाय नगाव बियाबआव दावराव–दावसि ख़ालामदों कंग्रेस दोलोआ ।

गिबि मन्थि ७ हिमन्त बिस्व शर्माआ गाहाय मन्थि नरेन्द्र मदिखौं दिल्लीआव लोगो हमदों

फोरमायबावनाय बायदिब्ला, गाहाइ मन्थि मदिखौं कामाख्या करिडर प्रजेक्ट लुफुनायनि अन्थाइ खम्फा गायसन्नो, तिनिचुक्रिया मेडिकेल कलेज बेखेवनो आरो शिबसागर मेडिकेल कलेज लुफुनायनि अन्थाइ खम्फा गायसन्नो थाखाय आसामाव हॉंखायदों । बेनि अनगायैबो जरहाटआव थनाय लाचित बरफुखननि गेदेरत स्टेसुखौबो बेखेवनो थाखाय गाहाइ मन्थिखौं हॉंखायदों । बेजों लोगोसे फैगौ बोसोराव आसामाव खुंजानो गोनॉं आसाम बिजिनेस समिट हाबाफारियावबो बाहागो लाजानो हास्थायनायखौं गिबि मन्थिआ फोरमायथिदों । दिनैनै सावरयनायनि सोमोन्दै गिबि मन्थिआ हादतनि गाहाइ मन्थि नरेन्द्र मदिजों आसामनि जेंनानिफोरनि सोमोन्दै सावरयन्ज्लायनाय जादों होन्नानै फोरमायो । लोगोसे दिनैनै बे सावरयनाया फिथाइ गोनॉं जादों आरो राइज्योनि जेंनाखौं बोस्नॉंनो थाखाय गाहाइ मन्थि मदिआ खोथा होंदों होन्नानै फोरमायथिदों । ॥

बिटिआर सरकारनि ३ बोसोर आबुं जानायनि लोब्बायै मटनगुरि बियाबआव गोग्गानाय हाबाफारि खुंदों

खुंनाय नुनो मोन्नाय जादों । बेबायदिनो मटनगुरि बियाबनि बारापेटा भिसिडिसिनि बान्जायनायाव बिटिआर सरकारआ ३ बोसोर आबुं जानायनि मोनसे हाबाफारि खुंनाय जादों । गुबुन गुबुन सरकारि बिफाननि मावख’गिरिफोर, इउपिपिएल दोलोनि दैदेनगिरिफोर, ब्लक, टिसिएलसिसि आरो भिसिडिसि थाखोनि दैदेनगिरि आरो बिबानगिरिफोरजों लोगोसे राइजो–राजाफोरनि बाहागो लानायाव खुंफुंनाय बे हाबाफारियाव गाहाइ आलासि महरै बाहागो लायो बिटिआरनि मावफुं सोद्रोमा गौतम दासआ । गावनि बिबुंधिनि गेजेरजों मावफुं सोद्रोमा गौतम दासआ थंनाय ३ बोसोरनि गेजेराव बिटिआर सरकारनि गोबांथार सुबुं अन्साइलु आरो जौंगालु खामानि मावनायनि थाखाय बिथांखिफोर जागायनायनि सोमोन्दै बिबुंधि लाखियो । बिथाड बुडोदि, बिटिआरआव गोजोन थासारि फैनायजों लोगोसे गासै बिथिडव जौगानायनि खामानिया गोखैयै जाबोदों । गोजोन थासारियावसो जौगानाय एबा दावगानाया जाथावना जायो । गोजोन गैयाब्ला जौगानायाबो जाथावना नड होन्नानै गावनि बिबुंधिनि गेजेरजों फोरमायो मावफुं सोद्रोमा गौतम दासआ । हाबाफारियाव बाहागो लानाय गुबुन गुबुन बिफाननि सरकारि बिबानगिरिफोराबो गाव–गावनि बिफाननि गेजेरजों राइजो–राजाफोरनि थाखाय बिथांखिफोर मावफुंनायफोरनि सोमोन्दै फोरमायथियो । आसामजों लोगोसे बिटिआर हालामावबो गोखोडे–जौगाबोगासिनो थानाय थाखाय आसामनि गिबि मन्थि ७ हिमन्त बिश्व शर्मा आरो हादतनि गाहाइ मन्थि नरेन्द्र मदिनिसिम साबायख’र जासियो मावफुं सोद्रोमा गौतम दासआ । ॥

भबानिपुर बियाब बिथानि हारिमुवारि जांखिथायखौं एमएलए पनिधर तालुकदारआ बेखेवबाय

लादों गिबि मन्थि ७ हिमन्त बिश्व शर्माआ । गिबि मन्थि ७ शर्मानि मोजां बिथांखि लानायजों आसामआव खुंनाय हारिमुवारि जांखिथाया आसामनि हारिमुवारि बिथिंखौं रैखाथि लाखिनायनि थाखाय सुबुंफोरखौं जांखिखां होंदों । लाइमोन जोलैनै रंगौथिफोरखौं सिगांलांहोनो हाबाफारि लानायजों लोगोसे सुबुं धोन जौगाखां होनाय बिथांखिचौबो लानाय जादों ।’– बेबायदि बिबुंधिखौं भबानिपुर बिधान सभा बियाबनि एमएलए पनिधर तालुकदारआ दिनै सरुपेटानि मिलन मन्दिर मेल जथुमसालियाव खुंनाय भबानिपुर बियाब बिथानि आसाम हारिमुवारि जांखिथायखौं बेखेवनानै होयो । एमएलए पनिधर तालुकदार गावनि बिबुंधियाव भबानिपुर बिधान सभा बियाबयाव हारिमुवारि बिथिडव थाखोमामा थानाय रंगौथिफोरखौं उदाडै दिहुन्ना लाबोनायनि बिथांखि आजावना लानाय जादों होन्नानैबो बुडे । हारिमुवारि जांखिथायनि बेखेवनाय हाबाफारियाव भबानिपुर दख’र जौगाखां बिबानगिरि दिलीप दास, बैसो जानाय देंखोगिरि माधब नाथ, खुगा मेथाइ आरिमुगिरि रबिन बैश्य, सुबुं हारिमुनि आरिमुगिरि रबिन दास, फावथिनागिरि सैलेन्द्र कुमार चौधुरी, भबानिपुर आन्सलिक पन्चयतनि आफादगिरि बुद्धदेव पाठगिरि, सुरुपेटा गामि पन्चयतनि आफादगिरि गिता भरालि, भबानिपुर बियाब हारिमुवारि जांखिथायनि आफादगिरि असिन मेधी, गेलेमु गौमानि आफादगिरि हिमांसु कलितामोनजों लोगोसे माखासे जर’खा सुबुंफोरा आलासि महरै बाहागो लाफेदों । बेखेवनाय हाबाफारियाव भबानिपुर बियाबनि माखासे आरिमुगिरि, हारिमुवारि मावफारियाफोरखौं बराय मान बाउनाय जादों ।मख’नो गोनांदि, दिनैनैफ़्राय सान्नै नाडै सरुपेटानि मिलन मन्दिर मेल जथुमसालियाव खुंजादों आसाम सरकारनि बान्जायनायाव भबानिपुर बियाब बिथायाव आसाम हारिमुवारि हाबाफारिआ दिनैनै बेखेवनाय हाबाफारियावनो भबानिपुर बियाबआव आगुयाव खुंजालांनाय पन्चायत बिथायाव हारिमुवारि जांखिथायनि देरहनाय बादायगिरिफोरनि गेजेराव फोरमान बिलाइफोरखौं एमएलए पनिधर तालुकदारआ रग्नानै होयो । ॥

फैदो जों बयबो खौंसेयै

जेराव अनलायनाय फोथायलायनाय गैया बेवहाय गोजोन्नाय थाया जेराव खौंसेथि गैया बेवहाय जौगानाय थाया । बेखायनो मुलुग संसारनि दुलाराय बर हरिआनो फेदों जों बयबो खौंसेयै । अनलायनायनि माला सुजुदिनि अनलायनायनि माला सुजुना गावनि गाव अनसेमाजों फेदों जों बयबो खौंसेयै । गासै बर हारिमा लामा दोंसेयाव गावजों गाव फोथायथिखौं दिदोम दाद खालामना फेदों जों बयबो खौंसेयै । हारि महरै नखर खुंलांदिनि थार गियानखौं आर्जिना गोदान मुगानि सोलौंथाय बादायलायनायनि गेजेरजों फेदों जों बयबो खौंसेयै । सोलौंथायनि गियान लाम्रोदिनि सोलौंथायनि गियानजों गावनो गाव बुजिलायनायनि गेजेरजों दुलाराय बर हारियानो । खौंसेथि सुजुदिनि गासैबो बर’ हारियानो दोंसे लामाजों आगान सुरदिनि फेदो फै बर’ हारियानो खौंसेथि जाफिनदिनि दुलाराय बर हारियानो राइजोखौं लाइफिनदिनि

(१ बिलाइनिफ़्राय)

कलाइगावआव एमजिएनरेगानि माखासे बिथांखिफोरखौं बेखेवदों

खामानिफोरखौं बेखेवनाय जादों । बेनिनो कलाइगावनि बाथौफुरियाव बाथौ मन्दिरनि लांगोना जौगाखांनाय, २ नं. सिंरामारियाव सिसि ब्लाकनि लामा लुनाय आरो कमारपारायाव बतियामारि दैसानि माथावरिखौं फोजौखांनायनि खामानिखौं गोथारै बेखेवनाय जादों । मख’नो गोनांदि, बाथौफुरियाव बाथौ मन्दिरनि लांगोनानि खामानिखौं गोथारै बेखेवना होयो उदालगुरि जिल्ला फ़रायसालिफोरनि आजिर मोन्नाय नायसंगिरि नबिन चन्द्र बर’आ । फारसेथिं २ नं. सिंरामारि सिसि ब्लकनि लामा फोजौखांनाय एबा लुनायखौं बेखेवना होयो मुदैबारि बियाबनि टिसिएलसिसिनि लेडइ आफादगिरि मुकन स्वर्गियारिआ आरो कमारपारा बुतियामारि दैसानि माथावरि फोजौखांनायखौं बेखेवना होयो मुदैबारि ब्लक इउपिपिएल दोलोनि आफादगिरि पबित्र बसुमतारिआ । ॥

सालबारि जिल्ला बाथौ महासभानि २७ थि बोसोरारि जथुम्मानि गाहाइ खुन्थिया गायसन्दों

मोनसे गोथार धोरेमारि थासारिनि गेजेराव सालबारि जिल्ला बाथौ महासभानि २७ थि बोसोरारि जथुम्मानि गाहाइ खुन्थियाखौं गायसनो सालबारि टिसिएलसिसिनि मासिगिरि बिनद मुसाहारिया । गाहाइ खुन्थिया गायसन्नानै बिनद मुसाहारिया बर’ हरिनि आसारखान्थि बाथौ धोरेमखौं बिथा ख़ालामनानै दाजानाय हरियारि आफाद दुलाराय बाथौ महासभाया मोनसे फारिखान्थि गोनॉं समाज सोर्जिनायनि बिथिडव जर’खा थांखि आजावनाय खामानिखौं लाखिलांबाय थादों आरो बाथौ धोरेमखौं समाजयाव मोजां मोनजानाय महरै दाजादों होन्ना बिथाड बुडे । गाहाइ खुन्थिया गायसन्नाय हाबाफारियाव जर’खा खन्थाइगिरि–थुनलाइगिरि कालिचरण उजिर, स्वपन कुमार बसुमतारिजों लोगोसे माखासे मुंदंखा सुबुंफोरा आलासि महरै बाहागो लाफेदों । मख’नो गोनांदि, फैगौ २४ आरो २५ डिसेम्बरखालि सान्नैनै गेदेर हाबाफारिजों सालबारि बाथौ थानसालियाव सालबारि जिल्ला बाथौ महासभानि २७ थि बोसोरारि जथुम्माखौं खुंनाय जागोन होन्नानै सुलुडव फोरमायदों । ॥

हाग्रानि मैदेरनि गाग्लोबनायाव सासे सुबुंनि जिउ ख’हा

जादों । गोब्राबै जोखोम मोन्नाय सुबुंखौं जायगानि राइजो–राजाफोरनि हेफाजाबाव फाहामथायनि थाखाय तामुलपुर गुदि देहा मिरुयाव थिसन्नाय जायो । तामुलपुर गुदि देहा मिरुयाव थिसन्नायनि दसे सम उनाव गोब्राबथारै जोखोम जानाय गौतम मेधीआ जोबथा हं बोयो । ॥

गसाइगाव बिधान सभा बियाबनि सिडव साननैनै हाबाफारिजों खुंजानाय आसाम हारिमुयारि जारिश्थाइमा हाबाफारिया थुगेबाय

बेखेवेज्नेनानै होयो आरो बायदि बायदि हारिनि हारियारि मोसानाय आरो मेथाइ रोजाबनाय हाबाफारिफोरा जानानै थाडे । गासैबो हारिनि हारिमुखौं जौगाखांहोनो थांखिजों राइज्यो सरकारनि गासैबो भिसिडिसि आरो बिधान सभा थाखोआव बेबायदि हारिमुयारि जांखिथाइमा हाबाफारि लानाया जोबोद बाख्यायथाव जादों होन्ना गसाइगाव बिधान सभा बियाब थाखोनि आसाम हारिमुवारि जांखिथाइमा हाबाफारिनि मासिगिरि इन्द्र नारजारि बिथाड फोरमायो । दिदैनै जोबथा साननि हाबाफारिनि गेजेरजों बे हारिमु जांखिथाइमा २०२३–२०२४ हाबाफारिनि बादायलायनायाव बाहागो लानानै देरहासार जानो हानाय बादायगिरिफोरनो मेडेल आरो टूफीनि बान्था होनाय जायो । ॥

भरला भिसिडिसि मासिगिरि आलमा बसुमतारिनि फिन मोनसे बाख्यायथाव हाबा नख’रनि सोद्रोमाफोरनो खम्बल राना होनायजों

लोगोसे दान होदों गंसे टिभिएस बाइक

उदालगुरि, ११ डिसेम्बर: ३८ नं. मासिगिरि बसुमतारिया भैर बकुण्ड बियाबा भरला नख’रनि बाहागिफोरनो भिसिडिसिनि मासिगिरि आलमा खम्बल रानना होन्नायजों बसुमतारिया थंनाय बावैसो सान सिगां भि सि डि सिनि सिंडव थानाय गोरिब थाखोनि गोजां लोगोसे गावनि भि सि डि सिनि सोद्रोमा Emil Minj नो गंसे टिभिएस इक्सेल बाइक गावनि निजा बगिया रांजों जानाय सुबुंफोरनो थंनाय बावैसो अन्सायनाय खामानि खम्बल रानना होनानै सुबुं मावनायखौं दिनैनै सनाव अन्सायनाय खामानिखौं नुनो नुनो मोन्नाय जायो । बाइर मुलामफागिरि बिथांड

(१ बिलाइनिफ़्राय)

सा ४४ बि एल टिनि ४४थि मंरब्लं सान फालिदों

बायदि गोबां हाबाफारिबो लानाय जादों । दिनैनै मुख्न्ं सान फालियाव बाहागो लाफेदों बारग’ एम एल ए हितेस बसुमतारि, साफागुरि समष्टिनि बारग’ एम एल ए थानेस्वर बसुमतारि, सालबारि बियाबनि एमसिएलए जय मोसाहारि, कक्लाबारि ब्लक कमिटिनि आफादगिरि शंकर बसुमतारि, लोगोसे सालबारि जिल्ला लाइमोन बि पि एफनि आफादगिरि दिलिब स्वर्गियारि,आगुनि बिएलटि आरो गासै ओन्सोलनि मेलेम जिबिफोराबो बाहागो लाफेदों । ॥

तामुलपुर जिल्ला खुंथाइनि बान्जायनायाव भिक्सित भारत संकल्प यात्रा हाबाफारि खुंदों

आलासि महरै बाहागो लायो आसामनि केबिनेट मन्थि पियुज हाजरिकाआ । हाबाफारियाव गाहाइ आलासि महरै बाहागो लानानै मन्थि हाजरिकाआ राइज्यो सरकार आरो मिरु सरकारनि जायखि–जाया बिथांखिफोरखौं मोन्नो हाथाव मुलाम्फागिरिफोरनो सायख’नानै होनो थाखाय जिल्ला खुं थाइनि बिबानगिरिफोरजों लोगोसे भिसिडिसि थाखोनि बिबानगिरिफोरखौं खावलायो । फैंबाय थानाय समाव आसामनि साफ्रोमबो थागिबि सुबुंफोरनि अन्साइलु खामानि मावनायजों लोगोसे गासै बिथिडव थाद’नाय गैयै जौगाथाइ खामानि मावनो थाखाय गिबि मन्थि ७ हिमन्त बिश्व शर्मा दैदेन्नाय राइज्यो सरकारआ थांखि लादों होन्नानै हाबाफारियाव बाहागो लानाय राइजो–राजाफोरनि गेजेराव फोरमायथियो । लोगोसे ओन्सोलनि थागिबि सुबुंफोरनि जायखि–जाया जेंनाफोरखौं बोस्नॉंनायनि थाखाय सरकारआ राहा लानो हानाय बायदियै नोजोर लाखिनो थाखाय जायगानि दैदेनगिरिफोरखौं खावलायो । दिनैनै बे हाबाफारियाव बिटिआरनि मावफुं सोद्रोमा रतेन्द्र नार्जारि, धर्मनारायण दास, एमएलए शुसान्त बरगहाइ आरो गरेस्वर खाजोना बेंखन मावख’नि मावख’गिरि मानब ज्यती बरा बिथांमोनहा माननि आलासि महरै बाहागो लायो । लोगोसे ओन्सोलनि गोबां राइजो–राजाफोराबो दिनैनै बे हाबाफारियाव बाहागो लानायनि गेजेरजों दैदेनगिरिफोरनि बिबुंधि लाखिनायखौं खोनासंनानै फैंबाय थानाय समाव गावसोरनि जायखि–जाया जेंना सोमजियोब्लो सरकारनिफ़्राय हेफाजाब एबा मदत मोनगोनखौं मिर्जिथियो । ॥

टेट उथ्रिसारनानै थिसन जानायनिफ़्राय जानगाराव थानांनाय बिजाथिफोरा गिबि मन्थि ७ हिमन्त बिश्व शर्मानिसिम गोसोखां बिलाइ दैथाय हरदों

गेजेरजों बिसोरो फोरमायदोंदि, २०१९ आरो २०२१ इंराजि माइथायनिफ़्राय आथिखालसिमाव गोबां अन्जिमानि गुदि आरो गोजू गुदि टेट उथ्रिसारनाय बिजाथिफोरा थिसनजायनिफ़्राय जानगाराव दड । आथिखालाव उथ्रिसारनाय बिजाथिफोरनि गेजेराव गोबाडानो सरकारि साख़िनि बैसो बारलांनायजों लोगोसेनो आरो गोबां अन्जिमानि बिजाथिफोरनि बैसोआ बारलांनो लानायनि सम सौफैबाय । बेनि थाखायनो आसामनि गिबि मन्थि ७ हिमन्त बिश्व शर्मानि दैदेन्नाय सरकारनि आथिखाल समाव बिसोर थिसनजानायनिफ़्राय जानगाराव थानांनाय बिजाथिफोरा जेब्ला बे खेबाव थिसनजायाब्ला इयुनाव बिसोर बिजाथिफोरा माब्लाबाबो थिसनजानाय नड । मख’नो गोनांदि, थिसनजानायनिफ़्राय जानगाराव थानांनायफोरनि गेजेराव बांसिन अन्जिमानि बिजाथिफोरानो निखावरि सिमना हंखोनि सिडव जिउ खंनाय नख’रनि रंगौथि गोनां खामानि गैयै लाइमोनफोर । बेनि थाखायनो गासै आयदाखौं साननानै थाबैनो गासै १० रोज़ा गुदि आरो गोजू गुदि फोरोंगिरिनि मासि फोसावनायजों लोगोसे बिजाथिफोरनि नख’रारिफोरखौं हामब्लायथि होनो खावलायनानै फिन मख’दोंदि, एसेबां सान थिसन जानायनिफ़्राय जानगाराव थानांनायनि उनाव आथिखालाव जेब्ला गोदानै खुंजानो गोनॉं सि–टेटनि फिथाइ ऑंखारोब्ला फिन थिसनजानायनिफ़्राय जानगाराव थानांनाय बिजाथिफोरनि गेजेराव गोबां अन्जिमानि बिजाथिफोरा थिसनजानायनिफ़्राय जानगाराव थानांगोन । बेनि थाखायनो सोलिफु डिसेम्बर दाननि गेजेराव थाबैनो गासै १० रोज़ा गुदि आरो गोजू गुदि फोरोंगिरि मासिनि फोसावथाय होनानै थिसनजानायनिफ़्राय जानगाराव थानांनाय बिजाथिफोरखौं मुलाम्फा मोनहोनो खावलायदों । दिनैनै गोसोखां बिलाइ गथायनाय हाबाफारियाव आसामनाडै–नो टेट उथ्रिसारनाय थिसनजानायनिफ़्राय जानगाराव थानांनाय बिजाथि रजिब रजबंसि, मौसम आहमेदमोनजों लोगोसे माखासे टेट उथ्रिसारनाय थिसनजानायनिफ़्राय जानगाराव थानांनाय बिजाथिफोरबो दड्मोन । ॥

बाक्सानि दाउधारायाव जागायजेनबाय भुटाननि कमलानि थाद’नाय गैयै फालांगि

गोनॉं गौदै मोनसे गोजोनथाव थावनाय गोनॉं भुटान हालामनि कमला । जुदि गोसो दं अब्ला हायुडरि मानास हाग्रामानि सेराव नांजाबनानै थानाय भुटान सिमानि बाकसा जिल्लानि दाउधारासिम फैं । सा ६/७ सो सुबंआ लोगो नॉंनानै खुलिदों दान्दिसेनि थाखाय आलादा आलादायै भुटाननि कमलानि गुदाम । दाउधारा चकआव बे खेबाव गं १५ सो कमलानि गुदाम बानायदों । मोनफ्रोमबो गुदामाव सानफ्रोमबो गनै गंधाम गारि कमला भुटाननिफ़्राय लाबोनानै दोनथुमनाय जायो । मोनफ्रोमबो कमलानि गुदामाव सानफ्रोमबो से,से खवसे रोज़ा फुन कमला आमदानि जायो दाउधारायाव । भुटान नॉंलामनि कमलानि गाबा गोसो मुहिहोयो कमला बायग्राफोरखौं । बेराफारसैथिं बे कमलाफोरा गुबुन कमलानिखुइ गोथावसिन बेनिखायनो बेनि बेसेनाबो गोबांसिन । बे समाव भुटाननि कमला फैनया जागायजेन्नाय लोगो–लोगोनो मोनफ्रोमबो फुन कमलायाव १५० रॉनिफ़्राय ४०० रॉसिमआव फानजानायखौं नुनो मोन्नाय जादों । बाक्सा जिल्लानि दाउधारा बाजारव बे भुटान नॉंलामनि कमलाफोरा गुदामाव दोनथुमनायनि थाखाय बे जायगाखौं कमला बाजार होन्नानैबो मिथिनाय जायो । बे गुदामफोरनिफ़्राय भुटाननि कमलाफोरखौं शिमला बाजार,रडिया पाठशाला,बरमा,नलबारि, गुवाहाटी,बडइगाव बायदिनि अनगायैबो पच्छिम बंगनि कलकाटासिम दैथाइहरनाय जायो होन्नानै फालांगिरिफोरा मिथिहोंदों । बेनि कमलानि गोजोनथाव थावनाय लानो थाखाय बाक्सा जिल्लानि दाउधारासिम लेंहरदों कमलानि फालांगिरिफोरा । ॥

बलिउडनि डान्सर आरो फावखुंगि मुक्ति महनआ कुणाल ठाकुरजों जुलि जाबाय

बलिउडनि बयजोंबो मिबथि जानाय मोसागिरि आरो फावखुंगि मुक्ति महनआ गावनि गोलाव समनि बयफ्रेन्ड आरो एनिमेलनि फावगिरि कुणाल ठाकुरजों 9 डिसेम्बरखालि जुलि जाबाय। मख 'नो गोनांदि, कुनालआ एनिमेल सावथुनआव रशमीका मान्दानाजों जुलिनि रादाय खानाय सेंग्रा फाव खालामदों। बिस्पोर सानैनि जुलिनि उनाव फेन्स आरो नख 'रारिफोर गोदान जराखौ हाब्लायथि बाउदों। फावखुंगिआ इन्सटाग्रामाव गावनि जुलिनि माखासे



सावगारिफोरखौ शोयार बेबायदिआव मुक्तिनि बिब' सावगारिफोरखौ शोयार खालामो लोगोसे गावनि बिब'नि सायाव बोर सारिदों। मुक्तिआ 10 डिसेम्बरखालि इन्सटाग्रामाव माखासे सावगारिफोर शोयार खालामदों। मुक्तिनि बिब'-बिनावफोर शक्ति महन, निति महन आरो कृति महनआबो गावसोरनि बिमा-बिफाजों लोगोसे हाबानि माखासे सावगारिफोराव नुजादों। शक्तिआ गावनि इन्सटाग्राम हेन्डेलआव हाबानि गोबां माखासे गोदान सावगारिफोरखौ शोयार खालामदों आरो लोगोसे गावनि बिनानावनि थाखाय मोनसे इमसनल नट लिरदों। जुलिनि माखासे नुनो मोनै सावगारिफोरखौ शोयार खालामनानै शक्तिआ लिरदोंदि, "आनि मोसा गलुआ जुलि जाबाय। औरैबायदि मोनो जे आनि बिखानि मोनसे थुखाया नोंजों लोगोसे थांफाबाय। आं नोंनि आरो कुनाल ठाकुरनि थाखाय गोबां खुसि जादों। मोजां आखुनि लोगो नागिरनायनि थाखाय गोबां गोजोन्नाय थाबाय। नोंथांनि जिउआ गोजोर आरो खुसि मोजाडै दैदन जालांथों। आं नोंखौ जेब्लायबो गोसो खांगोन मुक्ति महन। गासैबो समावनो आनि लोगो"। बेजों लोगोसे शक्तिआ बिनानावनि जुलिआव गिबि खेब गावनि आखाइयाव मेहेन्दि फुन्दों। शक्तिनि बे पस्टआव मुक्तिआ कमेन्ट होना बुंदोंदि, "आं बाइक सालायनो रोंबाय, आं 20 मिनटनि जान्थाइयाव दड आरो नों आनि थाखाय मेहेन्दि फुनगोन। निति महनआबो गावनि सशेल मिडिया हेन्डेल इन्सटाग्रामाव मोनसे दुखु जानाय पस्ट शोयार खालामना लिरदों- मुक्ति महन आरो कुनाल ठाकुरआ आथिखालाव जुलि जाबाय।

एनिमेल सावथुनखौ नायनानै रिद्धिमा कापुर सहनीआ रिएक्सन होदों



रेड्डी वांगानि बिथोन होनायाव दिहुन जानाय सावथुन 'एनिमेल'आ बक्स अफिसआव दोहौ सोमजिखां होदों। बे सावथुननि आरजिनाया दावखोगासिनो दड। बे सावथुननि नख 'रारि बस्क अफिसआव रं आरजिनाया 400 कौटिखौ बारबाय। सावथुन नायनायनि उनाव नायगिरिफोर बेनि सायाव गोबां

बाख्नायनायखौ नुनो मोन्दों। आथिखालाव रणबिर कापुरनि बिब' रिद्धिमा कापुरआबो फं बायनि बे सावथुनखौ नायखां बाय। रिद्धिमाआ फं बायनि सावथुन एनिमेलखौ नायनायनि उनाव बिबो गावखौनो रणबिरखौ बाख्नायनिफ्राय गावखौ हमाथानो हायाखै। बिबो सावथुनआव फावखुंगुरनि फावखौ नायनानै गोमो हाबदों।

इामा सावथुन एनिमेलआव फावखुंगुरनि दिन्थिफुंनयखौ नायनायनि उनाव बिबो गोबां गोमोहाबदोंमोन। रिद्धिमाया गावनि इन्सटाग्राम स्टिरियाव लिरदोंदि, रन्स नोंथाडा फोथाइजाथावै सासे सुबुं। मा नों थारेनो ना? थारेनो आनि खुगायाव राव फैयाखै। आलियाआबो बैसोरनि गेजेशव सासे जाय सावथुन नायनायनि उनाव बेनि सायाव गावनि रिभिउखौ होदों। बिथोनगिरिनि सायाव लिरदोंदि, सन्दिप रेड्डी वांगा नोंथां बायदि रावबो गैया। बे सावथुनआव गोमो होनाय, सोमो नाहोनायजों आबुं। बेनिनो रसनिकनि थाखाय फावखुंगिआ लिरदोंमोनदि, नोंथाडा सावथुनआव गोबां समायना आरो अनजाथाव आखुनि। जैरे आं नोंखौ आनि महैरे मिबथिहोदों। आं नोंनि बै मोनसे सिनखौ मोजां मोन्दों, जाय सिनआ गोबां जख्खा आरो थुलुंगाखांथाव।

एनिमेल सावथुननि उनाव फावखुंगि तृप्ति डिमरीआ बयजोंबो वारख्नायजादों

रणबिर कापुरनि सावथुन एनिमेलनि रिलिजनि उनाव फावखुंगि तृप्ति डिमरीआ सासे सेनसेशन जाबाय। सावथुनआव फावखुंगुरजों लोगोसे बिनि अन रिक्शन केमिस्ट्रीआ गासैनिबो गोसोखौ गावनि फासैं बोनो हादों। बेल'नडा सावथुनआ रिलिज जानायनि उनाव बिनि फेन्सफोराबो गोबां बारयदों। बावैसो मोनसे इन्टारभिउआव तृप्ति डिमरीआ फोरमायदोंदि, माबादिथै सावथुन एनिमेल रिलिज जानायनि उनाव बिबो मोनायाव उन्दुनो हायाखैमोन। सिगां समावबो माखासे



सावथुनफोराव गावनि एक्टिनि दोहौखौ दिन्थिखानाय फावखुंगि तृप्ति डिमरीआ आथिखालाव बयजोंबो मिबथि जानाय सासे

रणबिर कापुरनि नख 'य बिनि गिदिर बाख्नायगिरि। बयनिबो सिगां एनिमेलनि रिक्शनआव सावथुन नायनायनि उनाव रणबिरनि बिबि आलिया भाट्टआ बे सावथुननि सायाव गावनि बिबुंथि होदोंमोन। दा बिनि बिब' रिद्धिमा कापुर साहनीआ सावथुनखौ नायनायनि उनाव सशेल मिडियाआव रिएक्सन होदों। बिबो फोरमायदोंदि, एक्सन

'आइ वाना सी यु डान्स' देंखोआव सबा आजादआ आवाज होदों



'ड्रिम गार्ल-2' नि जाफुंसारनायनि उनाव आनन्या पान्डेआ 'खो गए हम कहां' आव गावनि एक्टिंखौ दिन्थिनो थाखाय थियारि जादों। सावथुननि ट्रेलारखौ रिलिज खालामनाय जाबाय। आनन्या पान्डेनि अनगायैबो सिद्धान्त चतुर्भेदि आरो आदर्श गौरवआबो सावथुननि बाहागोगिरि जागोन। सावथुनआव 'आइ वाना सी यु डान्स' देंखोआव सबा आजादआ आवाज होदों। रबिबारखालि ट्रेलार लन्व खालामनायनि खाबुआव सबाया बे देंखोखौ स्टेसआव खन्दों। बिखौ आनन्या आरो सिद्धान्तजों लोगोसे बे देंखोआव मोसानायबो नुनो मोन्दों। सबाया गोबाव सम बे

देंखोआव मोसादों, जाय भिडिअआ भाइरेल जादों। फावखुंगिनि मोसानायजों लोगोसेनो सुबुंफोरनि नोजोर ऋतिक रशननि एक्सनआव गोपलैदों। ब्लेक कटआउट जन्मशुटनि इभेन्टआव सैहैनाय सबा आजादखौ गोबां समायना नुनो मोन्दोंमोन। बिबो सशेल मिडियाआव गावनि पारफर्म खालामनायजों सोमोन्दो थानाय भिडिअखौ शोयार खालामनानै बुंदोंदि, गन्थ होथेनानै बे परफर्मन्सखौ दिन्थिदोंमोन। सबानि देहाया मोजां नडामोन अब्लाबो फावखुंगिआ मोजां परफर्मन्सखौ होदों। जेराव फेन्सफोरा सबानि देंखो आरो मोसानायव गोबां रोखोमनि कमेन्ट होदों। बेनिनो ऋतिक रशनआ गावनि गार्लफ्रेन्डनि सायाव अन्याय होनानै मोनसे मोजां कमेन्ट होयो। ऋतिकआ सबानि डान्स भिडिअखौ गावनि इन्सटाग्राम स्टिरियाव शोयार खालामदों। बिथाडा केप्सनआव 'ये गाना' लिरनायजों लोगोसे ब्रेड हार्ट इमजि होदों। 'विक्रम वेधा'नि फावखुंगुरआ सबा आजादनि बे नुथाय आरो देंखोखौ गोबां मोजां मोन्दों। अरुन भरैन सिनि बिथोन होनायाव बानायजानाय 'खो गए हम कहां'या मोनसे इामा सावथुन। बे सावथुनखौ 26 डिसेम्बरआव नेटप्लिक्सआव स्ट्रिम होगोन।

गाहाम देहानि राहा सुम्फाम बायदिनो सुम्फामनि बिलाइआबो गोबां गुन गोनां जायो

सुम्फामआ औरैबायदि फिथाइ, जायखौ नोंथाडा मार्केटआव गोरलैयैनो मोननो हागोन। बेखौ देहानि थाखाय गोबां मुलाम्फा गोनां मानिनाय जायो, नाथाय नोंथाडा मोनथिगीना सुम्फामनि बिलाइआबो देहानि थाखाय मुलाम्फा गोनां जायो। जुदि उदैजों सोमोन्दो गानां जेनाफोरनिफ्राय रेहाय मोननो हास्थायोब्ला बेखौ जानायजों गोबां मुलाम्फा मोननो हायो। बेखौ जायोब्ला देहाजों सोमोन्दो गोनां गुबुन जेनाफोरनिफ्रायबो रेहाय मोनो। सुम्फामनि बिलाइखौ उदै कालियाव जायोब्ला बांसिनै मुलाम्फा मोननो हायो। फुनि समाव उदै खालियाव सुम्फामनि बिलाइखौ अरग्लिनायजों माखासे बेरामफोरनिफ्राय रेहाय मोनो हायो। फुनि समाव उदै खालियाव सुम्फामनि बिलाइखौ अरग्लिनायजों माखासे जेनाफोरनिफ्राय रेहाय मोनो हायो। फुनि समाव उदै खालियाव सुम्फामनि बिलाइखौ अरग्लिनायजों माखासे बेरामफोरनिफ्राय रेहाय मोनो हायो। एसिडिटी जानायनि सन्देह'आ



बाडाय जायो। बेनिखायनो सानफ्रोमबो फुनि समाव उदै खालियाव सुम्फामनि बिलाइखौ अरग्लिनायजों फुनि समाव उदै खालियाव सुम्फामनि बिलाइखौ अरग्लिनायजों उदैजों लोगोसे देहानि लिरथाइखौ बाडाय खालामनायावबो मदत मोनो। बेवहाय माखासे औरैबायदि कम्पाउन्डखौ मोननाय जायो, जाय देहायाव कार्बहाइड्रेटनि अब्जापर्शनखौ होबथायो, जायजों देहानि लिरथाया बाड। सुम्फामनि बिलाइआव भिटामिन सिखौ मोननाय जायो, जायजों इमिउनिटीआ गोखौ जायो आरो माखासे बेरामफोरनिफ्राय रेहाय मोनो। सानफ्रोमबो सुम्फामनि

मनाकलिनजों बुंफबनाय गोजा माइरंआ गुफुर माइरंनिफ्राय साबसिन



गुफुर माइरंनि रुजुनायाव माइरं गोजाखौ देहानि थाखाय बांसिनै हेल्डी मानिनाय जायो। जुदि नोंथाडा गावनि देहाखौ सोलायहोनो हास्थायोब्ला बेखौ बाहायनो हायो। गुफुर माइरंआ मुलुगआव बयनिखुइ बांसिन जाजाग्रा फुड, जायखौ गोबां रोखोमै संना जानो हायो, नाथाय बेवहाय स्टार्ट आरो कार्बहाइड्रेटखौ थोजासे बिबाडाव मोन्या जायो, जाय देहानि थाखाय गाहाम नड। बेबायदियाव गोजा माइरंखौ

जर'खा एन्टीअक्सिडेन्ट थायो, जैरे सेलेनियम, भिटामिन सि, आरो बिट केर'टिन। बेयो जोंखौ फ्रि रेडिकल्सनिफ्राय रेखाथि होनायाव आरो जोंखौ गाहामे लाखिनायाव मदत होयो। 3. गोजा माइरंआव आयडीनखौबो मोन्या जायो, जाय ब्लाड सुगारखौ कन्ट्रल खालामनायाव मदत होयो। बेयो डायबिटीजनि बेरामिफोरनि थाखाय गोबां मुलाम्फा गोनां जुदि, बेखौ जायोब्ला देहा गात्रि जानायनि जेनाया बाडइ जायो। 4. गोजा माइरंआव बाडइ फेट आरो केल'रि थायो, बेनिखायनो जाय सुबुंफोरा देहानि लिरथाइखौ बाडइ खालामनो सान्दोंब्ला बेनि थाखाय बे पार्फेक्ट डाइट जानो हागौ। बेनिखायनो गुफुर माइरंनि सोलायै गोजा माइरं जानायनि हुदा खालामनागौ।

मेटिआ देहानि थै रोदायाव जमा जानाय बेड कलेस्ट्रलखौ बाडाय खालामनायाव मदत होयो



देहायाव कलेस्ट्रलनि बांनाया थै रोदाफोरखौ ब्लक खालामो। बेनि जाहोनाव ब्लाड साकुलेसनआव गोहोम गोलेयो आरो बेजों बिखायावबो प्रेसार गोलेयो, जाय नोंथांखौ हार्ट एटाकनि जेनाजों भुगिनांहोनो हागौ। देहानि थै रोदाफोरखौ साखोन-सिखोन खालामनो थाखाय मेटिनि बेगरफोरखौ बाहायनो हायो। (1) मेटिनि चालाद बानायनो थाखाय मेटिखौ सोमना लाग्रोनांगौ आरो उनाव बेखौ चालादआव बाहायनो हायो। मेटिआ हाइ फाइबर

आवलहोयो आरो बेयो थै रोदायाव जमा जानाय बेड कलेस्ट्रलखौ बायजोआव ओंखारहोनायाव मदत होयो। बेनि अनगायै बे साहानि जख्खा बाथाया बेदि बेयो बेड कलेस्ट्रलखौ बाडाय खालामनानै गुड कलेस्ट्रलखौ बांहोनायाव मदत होयो। बेबायदियैनो बेयो थै रोदाफोरखौ हेल्डि खालामो। बेनि अनगायै नोंथाडा मेटिखौ औरैनो सोमनानैबो जानो हायो। लोगोसेनो बेनि देंखौबो लॉनो हायो। मख 'नो गोनांदि, मेटिआ गात्रि एलडिएल कलेस्ट्रलखौ बाडाय खालामनो हायो, लोगोसेनो बेयो ट्राइग्लिसराइडसखौबो बाडाय खालामनायाव मदत होयो। संदानायजों मोनथिनो मोननाय बायदिब्ला मेटिआ एसिड रिप्लक्सआव मदत होयो। बिखानि बेरामि एका डायबेटिसनि बेरामिफोराबो मेटिखौ जानो हायो।

आमेरिकानि हादतगिरि बाइडेनआ जेलेनस्किखौ हवाइट हाउसआव खावलाय हरदों

वाशिंग्टन, 11 डिसेम्बर : रासिया आरु इउक्रेन दावहाया दासिमबो जोबना थाडाखै। इउक्रेनआ माखासे हादतगिरि मदतजों लोगोसे लान्श्रियै रासियाजों खिथेर लागसिनो दड। बे बिथिडाव आमेरिकाया माखासे खेब इउक्रे ननो सान्श्रियारि हेफाजाब होखाबाय। बेनि गेजेरजों आमेरिकानि हादतगिरि ज' बाइडेनआ लानाय हवाइट हाउसआव 12 डिसेम्बरनि जथुम्मायाव इउक्रेननि हादतगिरि भलडिमर जेलेनस्किखौ खावलायहरो। बे जथुम्मायाव सान्श्रियारि हेफाजाब होनायजों लोगोसे माखासे आयदाफोरनि सायाव सावरायनो हागौ। मोनसे बिबुंथियाव हवाइट हाउसआ बुडोदि, हादतगिरि बाइडेन आरु जे ले नस्कि या इउक्रे ननि सिगाडाव नुजाथिनाय गोनांथि जानायफोरनि सायाव सावरायगोन। जेलेनस्किनि मावख'आ टेलिग्राम मेसेजिं



एपआव बुडोदि, इउक्रे ननि दैदेनगिरिया समबारखालि वाशिंग्टनआव सौहेगोन आरु बिथाड बे दावबायनाय समाव बाइडेनजों लोगो हमनानै सावरायगोन। जेलेनस्किनि दावबायनाय समाव गाहाइ आयदाफोरनि गेजेराव जुथाइ रइज्यो आमेरिका आरु इउक्रेननि गेजेराव रैखाथि हेफाजाब होनाया थाफागोन। बेरा फारसे गाजापट्टिआव दावहा दोन्थ'नो थाखाय जुथाइ हादत रैखाथि

परिसदआव लाबोनाय थांखिया आमेरिकानि भिटजों लोगोसे आवगायनो हायाखै। बे थांखिखौ परिसदनि अरयथा नडै सोद्रोमा इउएइआ लाबोदोंमोन आरु सा 12 गुबुन सोद्रोमाफोर खेखौ मदत खालामदोंमोन। इउआइलआ बे हेफाजाब होनायनि थाखाय आमेरिकानो साबायखर बाउनायजों लोगोसे इउएननि गाहाइ नेहाथारि एन्टनिय गुतेरेसनि सायाव हामासनि फारसे बाहागो

लानायनि दाय जाबसिनो। फारसेथिं फिलिस्ताइननि हादतगिरि महमुद आब्बासआ आमेरिकानि भिटखौ गोखोडै सोंखारिनानै गाजायाव गथ'फोरखौ बुथारनायनि थाखाय आमेरिकाखौ दायनिगिरि फोरमायदों।

ब्राजिलनि लेबारफोरनि मोनसे केम्पआव अर नांनायजों सा 9 सुबुंफोरनि जिउ ख 'हा

ब्राजिल, 11 डिसेम्बर : ब्राजिलनि सा रइज्यो पायाव हानि थाखाय सोमावसारग्रा लेबार एमएसटिनि मोनसे केम्पआव अर नांनायजों थांनाय शनिबार हरव सा 9 सुबुंफोरनि जिउ ख 'हा जायो आरु सा 8 जोखोम जायो। एमएसटिनि बायदिब्ला बे जाथाया पारोपेबास सहराव थानाय गामियारि आबादारिफोरनि केम्पआव इन्टरनेट बायरिनि इन्सटलेशननि समाव इलेक्ट्रिक नेटवार्कआव सर्ट शार्किट जानायनि जाहोनाव जादोंमोन। बे फोलेरनि दैदेनगिरिफोरा फोरमायनाय बायदिब्ला, जायगानि सम बायदिये बे सर्ट शार्किटआ हरनि 8 रिंगायाव जायो। बेनि जाहोनाव केम्पनि माखासे टम्बुजों लुनाय न'फोरव अर नाडो। सा 9 थैनायफोरनि



गेजेराव सा 6 आ केम्पनि थागिबिफोरमोन आरु साथामआ इन्टरनेट कम्पानिनि मावसुमामोन। बे जाथायाव सा 8 गुबुन सुबुंफोर जोखोम जायो आरु बिसोरखौ देहा फाहामसालियाव लांनाय जायो। जोखोम जानायफोरनि गेजेराव सा 8 खौ सिगाडावनो देहा फाहामसालिनिफ्राय हगारहरबाय आरु सासेया दासिमबो देहा फाहामसालियाव फाहामथाइ लागसिनो दड, नाथाय

बिखोबो गिनांगौ जेबो गैया होन्ना देहा फाहामगिरिफोरा फोरमायदों। एमएसटिनि फोरमायनाय बायदिब्ला, जाथाय जानायनि उनाव जायगानिनो फायार बिगेटआ अरखौ सामलायो। सुलुडाव फोरमायनाय बायदिब्ला, ब्राजिलआव हा जगायना होनायनि थाखाय सोमावसारनाया सोलिबाय थायो। माब्बाबा माब्बाबा बै ओन्सोलफोरनि सायाव दखल

खालामनाय जायो, जायनि सोमोन्दैयै बेबायदि दाबि दैखानाय जायोदि, बेयाव जेबो दिहुन्थाइ जाया आरु अब्ला सरकारनाव बेखौ जब्द' खालामनो दाबि देखाडो। बे केम्पनि सोद्रोमाफोरा थांनाय रबिबारखालि प्रेस कन्फेन्सआव बुडोदि, विसोर सिगानिफ्रायनो दै आरु जाग्रा आदारजों लोगोसे बायदि सरकारि हेफाजाब मोनबोगासिनो दड। बेनि गेजेरजों हादतगिरि लुइज इनासिअ लुला डि सिल्भाया गावनि आबाद जौगाखां मन्थ्रि पाउल' टेक्सेरा आरु हानि मोन्थाइ एजेन्सि इन्क्रानि गहाइ सिजार एल्डुघिखौ थांनाय रबिबारखालि बे सहराव दावबायनो थिनो। जाहाथे बे के सखौ मोजाडै बुजिनो हायो।

आमेरिकानि आटलान्टायाव गुलि गावनाय जाथायाव सा 3 सुबुंफोरनि जिउ गोमादों, सासे जोखोम

आटलान्टा, 11 डिसेम्बर : आमेरिकानि आटलान्टायाव थानाय बकहेड एपार्टमेन्टआव गुलि गावनाय जाथायाव सा 3 सुबुंफोरनि जिउ गोमायो आरु सासे जोखोम जायो। आटलान्टा पुलिसनि बुंनाय बायदिब्ला बकहेड जिल्लयाव पिचट्टी रड एनइआव बे जाथायखौ फिन्नाय होदों। बे जाथायाव 20 बोसोर बैसोनि सा 3 भुगिनांग्राफोरा जाथाय जानाय जायगायावनो जिउ नागरो आरु त्रैथि सुबुंखौ देहा फाहामसालियाव लांनाय जायो। हमिसाइड इउनिटनि नायबिजिरिगिरिफोरा गुलि गावनायनि थासारिफोरखौ मिबथिनो थाखाय जाथाइ जानाय जायगायाव दावबायो। बे जाथायनि सोमोन्दैयै दासिमबो जेबो खौरां मोन्तो हायाखै। नाथाय बकहेड एपार्टमेन्टआव फेग्रा मुवा-बेसाद लांलाय-लाबोलायजों बे जाथाया लोब्बा थानो हागौ होन्ना सन्देह' खालामनाय जादों। बेनि सोमोन्दैयै नायबिजिरिगिरि बिबानगिरिफोरा बुंदोंदि, बे




जाथाया गावजों गाव जेना जानायनि जाहोनाव जायाखै। लोगोसे फेग्रा मुवा-बेसादनि थाखाय लिंहरनायाव जादों होन्ना हमदांना लानाय जादों।

बेनि सोमोन्दैयै मेजर पिटार मालेकियाबो बे जाथाइखौ फेग्रा मुवा-बेसादनि लेन-देनआव जादों होन्ना सन्देह' फोरमायदों। बिथाडा बुंदों,

पुलिसआ जाथाइ जानाय जायगानिफ्राय बोखांनो हानाय हेन्डगानखौ नायबिजिरिनो बिथांखि लादों। जाहाथे गुलि गावनायाव बबे हाथियारखौ

बाहायदोंमोन बेखौ मिबथिनो हायो। खौरां एजेन्सि सिन्हुआनि रिपर्टनि बायदिब्ला, भुगिनांग्राफोरखौ सिनायनो हायाखै आरु गुलि गावग्राफोरनि सोमोन्दैयैबो जेबो खौरां मोन्नाय जायाखै। सुलुनि बायदिब्ला बे बोसोरनि 9 डिसेम्बरसिमाव आमेरिकायाव खेब 634 हान्जायारि गुलि गावनाय जाथाय जादोंमोन। सरासन्नायै जायखि जाया सुट आउट जाथायाव सुटारखौ नागरानै खमैलाबो सात्रै सुबुंफोरखौ गुलि गावनाय जायोब्ला बेखौ मास सुट आउट बुंनाय जायो।

इउक्रेननि राजथावनि क्विभआव रासियाआ मिसाइलजों गाग्लोबदों



गोदान दिल्ली, 11 डिसेम्बर : इउक्रे ननि राजथावनि क्विभआव गिदिर बेरफुनाय जाथाय जायो, जेराव खेबसे-खेबनैल' नडा, लान्श्रियैनो हरसेमानि बेरफुनाय जाथाइ जायो। इउक्रेननि राजथावनि मेयर भिटालि क्लिटस्कुआ समबाराव बुडोदि, रासियाआ क्विभआव हरसेमानि उरां जाहाजजों गाग्लोबदों, जेराव हाथियारफोरनि बायखोन्दा थुखाफोरा गोबां जिल्लयाव गोग्लैनायै थायो आरु बेयाव गंसे

सुबुंफोर थाग्रा न'आबो ख 'हा जायो। मेयर भिटालीया टेलिग्राम मेसेजिं एपआव बुंदोंदि, इमारजेन्सि सिबिथाइफोरखौ क्विभनि खोला-सोनाब बाहागोयाव हल 'सिभस्की जिल्लयाव दैथाइहरनाय जादोंमोन, जेराव गंसे मिसाइलनि बाहागोया गंसे थाग्रा बिल्डिनि टेरिसआव सौदावहैयो। गुबुन दरनै जिल्लाफोरवबो इमारजेन्सि सिबिथाइखौ दैथाइहरदों होन्ना बिथाडा बुंदों। मेयरनि

दैखानायफोरखौ नेवसिगारदों। गासै 1 दान सिगां, इउआइलनि रैखाथि मन्थ्रि यभ गेलेन्टआ बुंदोंमोनदि, हामासआ गाजायाव कन्ट्रलखौ खोमाना लाबाय। हामासनि गेजेरजों सालायनाय गाजानि सावस्त्रियारि बिफाननि बायदिब्ला, इउआइलनि सान्श्रियारि गाग्लोबनायजों गाजानि बांसिन बाहागोफोरा बायखोन्दा थुखायाव सोलायबाय आरु बे दावहायाव खमैलाबो सा 17,997 सुबुंफोर थैबाय, जायफोरनि गेजेराव बांसिनानो आइजो आरु गथ 'फोर।

टेनेसियाव टारनेड'नि अलखदआव गोग्लैनायै सा 6 सुबुंनि जिउ गोमादों

वाशिंग्टन, 11 डिसेम्बर : आमेरिकानि गेजेर टेनिसियाव थांनाय शनिबारखालि टारनेड' साइकलननि अलखदआव गोग्लैनायै सा 6 सुबुंफोरनि जिउ गोमायो आरु 2 दर्जन सुबुंफोरा जोखोम जायो। थैनायफोरनि गेजेराव सासे गथ 'बो दंफायो। बेराफारसे जोखोम जानायफोरखौ देहा फाहामसालियाव थिसन्याय जाबाय। बे बारहुंखाजों माखासे न' आरु गलाफोरा सिलिंखार जादों। माहारियारि बोथोर बिफाना टेनिसियाव आरुबाव टारनेड बारहुंखा फैबावनायनि सांग्रांथि फोसावदों। टारनेडिनि जाहोनाव थांनाय शनिबारखालि हरव टेनिसियाव गासै 85,000 न'फोरा खोमसिजों साग्लोबदों। बेनि गेजेरजों अर लुखोमोरग्रा बिफाना टारनेडिनि गेजेरजों जानाय ख 'हाफोरनि सावगारिफोरखौ सशेल मिडियाआव शेयार खालामो। बेयाव गोग्लैसोना थांनाय बायखोन्दा थुखाफोरजों लोगोसे



सिलिंखार जानाय न'-बां आरु गंसे ट्रेक्टर ट्रेलारखौ राजा-लामायाव बेल्थायनानै थांनाय नुनो मोन्दों। क्लाकर्सभिलेनि मेयर ज' पिटसआ बे बारहुंखानि अलखदआव गोग्लैनायै जिउ गोमानाय सुबुंनि नख 'रफोरनो बे दुखुनि समाव गासै सहरनो

बिसोरजों लोगोसे दंफायो होन्ना दुखु फोरमायदों। सशेल मिडियाआव शेयार खालामनाय मोनसे बि पिं आब क्लाकर्सभिलेनि मेयरआ बेखौ जोबोद गिदिर ख 'हा होन्ना बुंदों। बेराफारसे मन्ट्यमरी काउन्टी सेरिफ मावख'आ बे

टारनेड बारहुंखाजों सानजौफुनि 2 रिंगायाव फेदोंमोन होन्ना बुडो। बेनि गेजेरजों गंसे जायगानि हाइ स्कूलआ अरयथा नडै महरै आश्रय लाग्रा जायगा जायो। लोगोसे सुबुंफोरखौ गावबा गावनि न'आवनो थानो बिथोन होनाय जादों।

सियासिन ग्लेसियारआव गिबि मेडिकेल अफिसार महरै केप्टेन फातिमाखौ थिसनबाय

गोदान दिल्ली, 11 डिसेम्बर: सियासिन ग्लेसियारआव अपारेसेनेल पस्टआव गिबियै सासे आइजो बिबानगिरिखौ थिसन्याय जादों। बेजों लोगोसेनो मोनसे जारिमिनबो सोरजियो। केप्टेन फातिमा भसिमआ सियासिन ग्लेसियारआव अपारेसेनेल पस्टआव थिसनजानाय गिबि आइजो मेडिकेल अफिसार जानानै जारिमिन सोरजिदों। सियासिन बैटल स्कूलआव गोब्राब ट्रेनिंखौ आबु खालामनायनि उनाव भसिमखौ 15,200 फुट गोजौ हाजोआव थांनाय अपारेसेनेल पस्टआव पस्टिं हरनाय जादों। भारतयारि सान्श्रिनि फायार एन्ड प्युरि करआ ससेल मिडिया प्लेटफर्म एक्सआव केप्टेन फातिमा भसिमजों लोब्बा गोनां मोनसे भिडिअ शेयार खालामदों। बेयाव लिस्नाय जादोंदि,

सियासिन वारियर्सनि केप्टेन फातिमा भसिमआ सियासिन ग्लेसियारआव अपारेसेनेल पस्टआव थिसनजानाय गिबिसिनि आइजो मेडिकेल अफिसार जायो। 15,000 फुट गोजौ हाजोआव केप्टेन फातिमा भसिमखौ पस्टिं हरनाया बिथानि गोखों गोसो आरु थुलुंगानायखौ दिन्थियो। फातिमानि सिगां बे पस्टआव रावबो आइजो अफिसारखौ थिसन्याय जायाखैमोन।



गाहाइ मन्थ्रि नेतन्याहुआ हामासखौ सारेन्डार खालामनो खावलायदों

यरुजालेम, 11 डिसेम्बर : इउआइलनि गाहाइ मन्थ्रि बेन्जामिन नेतन्याहुआ रबिबारखालि हामासखौ हाथियार गथाइनो खावलायनानै बुडोदि, बे फिलिस्ताइनआ हान्जानि जोबस्त्रांनायनि खाथियाव सौहैबाय। मख'नो गोनांदि, गाजा पट्टीयाव दावहा जागानायनि 2 दाननि बांसिन समनि उनावबो सोलिगासिनो दड। बेनि गेजेरजों नेतन्याहुआ मोनसे बिबुंथियाव हामासनि जोबस्त्रांनाया जागायबाय होन्ना बुडो। बिथाडा हामासनि उतखारिफोरखौ बुंवावयो,



याहया सिनवार (गाजापट्टीयाव थांनाय हामासनि गाहाइ) नि थाखाय दाथै। आथिखालाव बिसोर गावसोरनो गथाइदों। थांनाय माखासे सानफोरव गोबां हामास उतखारिफोरा जौनि सान्श्रिफोरनि सिगाडाव

गावसोरखौनो गथाइदों होन्ना नेतन्याहुआ बुंदों। सुलुडाव फोरमायनाय बायदिब्ला, इउआइलनि सान्श्रिफोरा हामासनि गावसोरखौ गथाइनायनि जेबो फोस्मानखौ फोसावाखै आरु हामासआ बेबायदि दाबि

दैखानायफोरखौ नेवसिगारदों। गासै 1 दान सिगां, इउआइलनि रैखाथि मन्थ्रि यभ गेलेन्टआ बुंदोंमोनदि, हामासआ गाजायाव कन्ट्रलखौ खोमाना लाबाय। हामासनि गेजेरजों सालायनाय गाजानि सावस्त्रियारि बिफाननि बायदिब्ला, इउआइलनि सान्श्रियारि गाग्लोबनायजों गाजानि बांसिन बाहागोफोरा बायखोन्दा थुखायाव सोलायबाय आरु बे दावहायाव खमैलाबो सा 17,997 सुबुंफोर थैबाय, जायफोरनि गेजेराव बांसिनानो आइजो आरु गथ 'फोर।

तामिलनाडुनि चेंगलपट्टुआव ट्रेन जाब्रबथाइ

तामिलनाडु, 11 डिसेम्बर : तमिलनाडुआव मोनसे गिदिर रेल जाब्रबथाइया नुजाथिदों। लहाजों बुंफबनाय गंसे मालगारिया हरखाबै ट्रेन लामानिफ्राय गोग्लैयो। बे जाब्रबथाइआ चेंगलपट्टुनि खाथियाव जायो। खौरां एजेन्सि एएनआइनि बायदिब्ला, चेन्नाइ हार्बनि फारसे थांबाय थांनाय मालगारिया हरनि 10:30 रिगानि खाथियाव चेंगलपट्टुनि खाथियाव ट्रेन लामानिफ्राय बाग्लायो। चेंगलपट्टु रेलवे बिबानगिरिया फोरमायनाय बायदिब्ला,



मालगारियाव लहाजों सोमोन्दो गोनां मुवाफोर लट खालामनायमोन। बे मालगारिनि मोनबा दाब्बाया रेल लामानिफ्राय बाग्लायो। बे जाब्रबथाइनि जाहोनाव खोला तमिलनाडुनिफ्राय चेन्नाइ फारसे थांग्रा दावबायारि ट्रेनफोर सालायनायाव गोहोम गोग्लैदों। आथिखालाव रेलवेनि बिबानगिरिफोरा ट्रेकखौ साखोन-सिखोन खालामबाय आरु ट्रेनि थांलाय-फैलायखौ सोलिहोफिन्नो थाखाय खामानि मावगासिनो दड।

उरिष्याआव बिधान सभा बिसायख थिखौ लानानै मोन्थाम गाहाइ पार्टीफोरा साखा-फारा जादों

भुबनेश्वर, 11 डिसेम्बर : उरिष्याआव सरासन्ना बिसायख थि जानो बार सम गैलिया। बेरायदियाव रइज्योनि मोन्थाम गाहाइ राजखान्थि पार्टीफोरा गावसोरनि सोलो-खान्थि बानायनायखौ जागायबाय। खुंथायाव थानाय बिजु जनता दलआ गावनि फसंथानखौ गोखौ खालामनो थियारिखौ जोबोद सिगांनिक्रायनो जागायदोंमोन आरो आथिखालाव हा बाहागोआव भट होग्राफोरजों थोंजोडै सोमोन्दो लाखिनो जागायबाय। बेराफारसे भारतीय जनता पार्टी आबो बे बिसायख थिखौ नोजोर होना नै गावसोरनि सोलो-खान्थिनि सायाव खामानि मावनो जागायबाय। दिल्लीनिक्राय फैंफिन्यानि उनाव रइज्योनि बिजेपि आफादगिरि मन महन सामलआ बुडोदि, बिजेपि दैदेनगिरिफोरनि नोजोरा आथिखालाव गामि फारसे जागोन। फारसेथि बिजद आरो बिजेपि बायदिनो कंग्रेसआबो गावसोरनि फसंथानआव



जर'खायै थियारि खालामगसिनो दड। बेनि गेजेरजों रइज्योआव राजखान्थियारि थासारिया गुदुं जासिगोन। खौरनि बायदिन्ना, बिजु जनता दलआ बे खेबआव सरासन्ना बिसायख थियाव रइज्योआव 1.5 कौटि भट मोन्नाय थांखिजों लोगोसे खामानि मावगसिनो दड। बे थांखिजों पार्टीनि दैदेनगिरिफोरा सोलो-खान्थि आरो गावसोरनि फसंथानखौ गोखौ खालामनायबाबो नांथाबदों। बिजदनि दैदेनगिरिफोरा थोंजोडै सुबुंफोरनि गेजेराव थानानै

रइज्यो सरकारनि गुबुन गुबुन बिथांखिफोरनि खौरं होगसिनो दड। बेरा फारसे फेगो 14 डिसेम्बरआव बिजद सुप्रिम आरो गिबि मन्थि नबिन पटनायकआ पार्टीनि गागि दैदेनगिरिफोरखौ लानानै जथुम्मा खालामना गुवारे सावरायगोन। बेनि अनगायै फेगो 26 डिसेम्बरआव पार्टीनि गाइसन्थाइ सान दड। गनायना लानाय बायदिन्ना बे साननि उननिक्रायनो बिसायख थिनि फोथाराव ओंखासगोन। फारसेथि फाइभ टि रुपांतरन आरो गुबुन गुबुन फसंथानफोरनि सुबुंफोरजों लोगो हमनानै

भिष्णुदेब साइआ छत्तिसगड़नि गोदान गिबि मन्थि महै 13 डिसेम्बरआव समायखिरा लागोन

रायपुर, 11 डिसेम्बर : आदिबासि दैदेनगिरि भिष्णुदेब साइआ छत्तिसगड़नि गोदान गिबि मन्थि जासिगोन। रायपुरनि रइज्योआरि बिजेपि मावख' कुशाभाउ ठाकरे परिसरआव थानाय रबिबारखालि जानाय एमएलए दोलोनि जथुम्मायाव बिथांखौ एमएलए दोलोनि दैदेनगिरि सायख'यो। बेनि उनाव साइआ राजभवनआव सौहैनानै रइज्यो बेंगिरि बिश्वभुषण हरिचन्दनजों लोगो हमनानै सरकार दानो दाबि दैखानायखौ दिन्थियो। रइज्यो बेंगिरिया साइखौ गिबि मन्थि महै थिसन्ना नै बिथांखौ मन्थि आफाद दानो थाखाय खावलायो। बेनि गेजेरजों गाहाइ मन्थि नरेन्द्र मदिनि नुजाथिनायाव फेगो 13 डिसेम्बरखालि समायखिरा लानाय जथुम्मा जागोन। सुबुंनि बायदिन्ना, आगुनि गिबि मन्थि उ रमन सिंहआ बिधान सभानि आफादगिरि जानो हागौ। बेराफारसे छत्तिसगड़आव सानै



लेडाइ गिबि मन्थिबो जानो हागौ। बेयाव अरुण साव आरो बिजय शर्माखौ लेडाइ गिबि मन्थि खालामनो हागौ। बिजय शर्माया गिबि खेब बिसायख थि देरहानानै सायख' जादों। बेराफारसे अरुण सावआ लकसभा सोद्रोमाजों लोगोसे बिजेपिनि रइज्योआरि आफादगिरिबो जाखांबाय। बेजों लोगोसे गोदान मन्थि आफाद दानायखौ लानानैबो थियारिया

जागायबाय। बिजेपिनि रइज्योआरि आफादगिरि अरुण सावआ बुडोदि, गाहाइ मन्थि नरेन्द्र मदि आरो गुबुन दैदेनगिरिफोरखौ खावलायनानै सम बिगोन आरो थाबैनो समायखिरा लानाय जागोन। बेनि गेजेरजों साइआ छत्तिसगड़नि गिबि आदिबासि गिबि मन्थि जागोन। आथिखालाव आगुनि गिबि मन्थि अजिद जगिखौ रइज्योनि गिबि आदिबासि सिएम बुंनय जायो। नाथाय बिथाडा हरिजों लोब्बा गोनां बिथिनि के सआ कर्टआव गोखौ सोनानै दड। बे जथुम्मायाव रइज्योनि बिधानगिरि अम माथुर मिरुआरि मन्थि आरो बिसायख थिनि लोगो बिधानगिरि उ मन्सुक मान्डीबिया, बिजेपिनि लोगो बिधानगिरि नितिन नबिन आरो गासै सा 54 एमएलएफोरा बाहागो लादों।

लकसभा बिसायख थिनि थाखाय बिजेपिआ

सिगाइव जेन्नाय मासिफोराव जर'खा नोजोर होदों

भुबनेश्वर, 11 डिसेम्बर: फेगो बोसोर 2024 नि मे दानआव लकसभा बिसायख थि खुंनय जागोन। बावैसो सिगांनि बिधान सभा बिसायख थिनि फिथाइखौ नोजोर होयोब्ला, मध्य प्रदेशनि मोन 10 बियाबफोरा एरैबादि दड, जेराव बिजेपिआ जेन्नादों। बेफोरनि गेजेराव छिन्दवाडा लकसभा बियाबआव गोखौनाय गासै मोन 7 मासिफोराव कंग्रेसआ देरहासारनो हादों। बिब्दिनो सुरैनानि मोन 5, भिन्डनि मोन 4, गवालियरनि मोन 4, टिकमगड़नि मोन 3, मन्डलानि मोन 5, बालाघाटनि मोन 4, स्तलामनि मोन 4, धारनि मोन 5 आरो खरान लकसभा बियाबनि मोन 8 मासिफोरनि मोन 5 आव बिजेपिआ जेन्नायजों मोगा-मोगि जानादों। बिजेपिआ आथिखालाव बेफोर बियाबफोराव लकसभा बिसायख थिनि थाखाय गोखौ नाजाथाबदों आरो थियारि खालामदों। गासै मोन 5



लकसभा बियाबआव बिजेपिनि थाखाय रैखाथियै दड। बेयाव नोगोरारिफोरा गासैबो मासियावनो बिजेपिखौ सायख'दों। बेनि गेजेराव

खजुराह, हशंगाबाद, देवास, इन्दौर आरो खन्डवा लकसभा बियाबनि गासैबो बिधानसभा मासिफोराव बिजेपिआ देरहासार जादों। बेफोरनि अनगायै सागर,

मासियावनो बिजेपिआ देरहासार जादों। गुना लकसभा बियाबआव मोननै बामरी आरो आसकनगरआव कंग्रेसआ देरहासार जादों। बेनिफ्राय आद्रा माखासेयाव बिजेपिआ देरहादों। बेबादिनो सागरआव कंग्रेसआ बिनायाव मोनसे, दमहनि मलहरयाव मोनसे, सतना आरो अमरपाटनआव मोननै, रिभायाव सेमरियानि मासिखौ मोनसे, सिधियाव चुरहातआव मोनसे आरो बिब्दिनो गुबुन गुबुनआव कंग्रेसआ देरहासार जादों। बेफोरखौ नोजोर होनानै बिजेपिआ लकसभा बिसायख थिनि थाखाय सोलो बाहायनो थियारि जादों।

बुथारनाय जाथाइनि उनाव शुटारफोरा दरसे रइज्योनिफ्राय गुबुन दरसे रइज्योआव जायगा सोलायबाय थादों

गोदान दिल्ली, 11 डिसेम्बर: माहारियारि राजथान्दै करणी सेनि माहारियारि आफादगिरि सुखदेब सिंह गगामे डीखौ थानाय मंगलबारखालि बिनि जयपुराव थानाय न'आव सिनाय मोनै गाल्लोग्राफोरनि गेजेरजों गुलि गावनानै बुथारो। बे के सआव दासिमाव सानै शुटारफोरखौ आरो सासे हेफाजाब होग्रा सुबुंखौ चन्डिगड़निफ्राय ग्रेप्टार खालामो। बिसोर गासैबो हादतनिफ्राय खारनो थाखाय छन्डिगड़आव पासपर्ट नेगासिनो दडमोन। बे केसआव लोब्बा थानाय सा 3 दायनिगिरिफोरनि गेजेराव नितिन फौजि आरो रहित रठौडुआ शुटारमोन आरो थामथि सुबुं उधम सिंहआ बिसोर



सानैखौ हेफाजाब होबाय थादोंमोन। उधम सिंआबो बिसोरखौ खारनायाव हेफाजाब होबाय थादोंमोन। बे गासै दायनिगिरिफोरा बुथारनायनि उननिफ्रायनो दरसे रइज्योनिफ्राय गुबुन रइज्योआव थाखोमाबाय थादोंमोन। दायनिगिरि नितिन फौजिया महेन्द्रगड़नि थागिबि आरो रहित रठौडुआ सकराना,

चन्डिगड़नि सेक्टर 22 आव गंसे जौनि गलानिफ्राय हमो। दिल्ली पुलिसनि जर'खागिरि पुलिस कमिसनार रबिन्द्र सिंह यादबआ बुडो, टीमआ बिसोर सशेल मिडिया आरो मबाइल फन बाहायनायनि गेजेरजों बिसोरनि सायाव नोजोर लाखिबाय थादोंमोन। बिथाडा फोरमायबावदों फौजी आरो रठौडुआ शुटारमोन, जायफोरा सान्थि गाहाइनि सायाव खमैब्लाबो 27 खेब गुलि सालायो आरो उधम सिंहआ फौजिनि गोजाम लोगोफोरनि गेजेराव सासेमोन, जाय हिसारआव बिसोरनि थाखाय गारिनि बेब'स्था खालामनानै बिसोरखौ खारनायाव मदत खालामो।

शेयार बाजारनि बांनाया भारतयारि कारेन्सिनि सायावबो गोहोम खोख्लैदों



गोदान दिल्ली, 11 डिसेम्बर : शेयार बाजारव रिक्टै गोनां महैरे बादों आरो एफपिआइनि फोसावनाय इनफ्लनि गेजेरजों दिने डलारनि रुजुनायाव रंआबो गोखौ जायो। जागायजेन्नाय फालांगियाव आमेरिका डलारनि रुजुनायाव राड 3 फेसा बांनानै 83.37 याव सौहैयो। इन्टरबैंक फरेन एक्सचेन्जआव राडा डलारनि रुजुनायाव 83.39 राडव खुलियो आरो थानाय बन्द' जानायनिफ्राय 3 फेसा बांना 83.37 राडव सौहैयो। बेराफारसे शुक्रबारखालि एबा थानाय सप्टाहनि जोबथा

डलार इन्डेक्सआ दिने 0.03 जौखोन्दो बांनानै 103.66 राडव फालांगि खालामगसिनो दडमोन। बेनि अनगायैबो मुलुगयारि थाव बेन्वमार्क ब्रेन्ट क्लुडनि मुलामफायावो 0.59 जौखोन्दो बांनानै मोनफ्रोम बेलराव 76.29 राडव सौहैयो। थानाय शुक्र बारखालि आरबिआइआ रेप रेखौ दिदोमथि लाखिनो थांखि खोनासंहोदोंमोन। बेयो लास्त्रियै 5 थि खेबमोन जेन्ना रेप रेखौ 6.5 जौखोन्दोआव दिदोमै लाखियो। बे समाव आरबिआइआ बे बाश्नाखौबो बुंदोंमोनदि, भारतनि गुबुन हादतयारि रंखांथि बाखिया 604 बिलियन डलार बारदोंमोन। एक्सचेन्ज डेटनि बायदिन्ना, एफ आइआइआ थानाय शुक्र बारखालि शेयार बाजारनिफ्राय 3,632.30 कौटि रनि शेयार बायदोंमोन।

दिल्लीआव 8 डिग्री आरो श्रीनगराव -4 डिग्री सेल्सियाससिम बिदुडा दावखलायबाय

गोदान दिल्ली, 11 डिसेम्बर: सा भारतआव बोथोर जोबोर गुसु जाबाय। समबार फुंआव फोसावनाय बायदिन्ना, दिल्ली-एनसिआरयाव बिदुंआ 8 डिग्री सेल्सियास थिसनजादों। बोथोर बिफान (आइएमडि) नि बायदिन्ना, 11 डिसेम्बर फुंआव माहारिनि राजथावनि दिल्लीआव खुवा साग्लोबदों। अदेबानि दिल्लीयाव सुहाबनाय गुसु जाथवाखै। फारसेथि उत्तर प्रदेशनि राजथावनि लक्ष्नीआव समबार फुंआव बिदुंआ 12.2 डिग्री सेल्सियास थिसनजादों। उत्तरखान्ड आरो हिमाचलनि माखासे ओन्सोलफोराव बरफ गोखौनायनि जाहोनाव सा भारतआव गोजांनया बांसिन जाबोगासिनो। रिपर्टनि बायदिन्ना, रबिबाराव जम्मु-काश्मीरनि राजथावनि श्रीनगराव बिदुंआ 0 निफ्राय 4 डिग्री



सेल्सियाससिम दावखलायो। बारमुला जिल्लायावबो बिदुंआ -4 डिग्री थिसनजादों। पान्जाबनि हाजो ओन्सोलफोराव सोलिबाय थानाय बरफ गोखौनायनि आसाखौ रोखा नुनो मोन्दों। रबिबाराव फरिदकट आरो फिरजपुरआ बयनिखुइबो गुसुसिनि थिसनजादों। बेनि अनगायै गुबुन ओन्सोलनि बिदुंआवबो दावखलायनाय

थिसनजादों। बोथोर बिफानआ हमादनाय बायदिन्ना, फेगो सान 3 सिम रइज्योआव मिनिमाम बिदुंआव सोलायनाय नुनो मोन्नाय नडा। अब्लाबो गेजेर थाखोनि खुवा खुनो हागौ। बोथोर बिफानआ मिबथिहोदोंदि, मध्य प्रदेश, सोनाब वंग, उत्तर प्रदेश, बिहार, सिक्किमनि माखासे जिल्लाफोराव रोजा खुवा खुनायनि आसा दड। फारसेथि, खोला-सान्जा आरव लैथो आरो

BRAWFED organises **"VIRASAT"**
State Handloom Expo (SHE) – "Hathkargha Mela" 2023-24, Udalguri
 (for market promotion & sales of Hand-woven Textile & Handicraft Products under NHDP)
 From: 12/12/2023 – 25/12/2023 daily 11 a.m. to 8 p.m.
 Venue: Lokapriya Bardaloi Smriti Bhawan, Tangla, Udalguri, BTR, Assam
"MY HANDLOOM MY PRIDE"
 Organised by: Bodoland Regional Apex Weavers & Artisans Co-operative Federation Ltd. J.D. Road, Kokrajhar, B.T.R., Assam.
 Sponsored by: Development Commissioner, Handlooms, Govt. of India, Ministry of Textiles, New Delhi.
 Issued from Office of the Managing Director, BRAWFED, J.D. Road, Shyambaon, Kokrajhar – 783370, B.T.R., Assam
 Mobile : +91- 8011673907 / 9954506736 / 9678540540 Email : mdbrawfed@gmail.com, Website : www.brawfed.in